



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

XXIIII.

[urn:nbn:de:hbz:466:1-77365](https://nbn-resolving.de/urn/resolver.pl?urn=urn:nbn:de:hbz:466:1-77365)

mo testimonij veteris ac noui testamenti plenum, comp̄tē edidisset, & digna facundia
ac magnificentia iam p̄fata dominā suā festum exornāset: Dumq; ante horas ma-
tutinas solito more ad obsequia Deo peragenda consurgeret, vt vigilias suo Domino
consecraret, diacono vel subdiacono atq; clero ante eum cum faculis p̄cedentibus,
subitō ostium aperientes, & ecclesiam intuentes splendore cælesti micantē, deficientes
ad lumen, quod ferre non valuerunt, aufugientesq; cū tremore, faculas quas manibus
tenebant, reliquerunt, & vestigia, per quā venerant, repetentes, prop̄ mortui reuersi
sunt ad sodales. Sollicitē verò omnis cōgregatio requirebat, quid de Dei seruo ageretur
cum angelicis choris, quos tam subitō expauerant custodes, vt terga ad ostium dantes,
itā aufugarent. At ille bēnē sibi conscius, ante altare beatē semper virginis proce-
dens, reperit in cathedra ipsam dominam sedentem, vbi erat solitus sedere & populum
salutare: Et eleuatis oculis, vedit in circuitu eius omnem absidem repletam virginum
choris, quæ de canticis David modulata suavitate aliquid cantabant. Adspiciensque
in eam ipse sibi bēnē conscius & Deo charissimus, talem nostrā dominā ad se loquen-
tis vocem audivit: Propera in occursum serue Dei rectissime, & accipe de manu mea
munuscūlum, quod tibi thesauro filij mei attuli. Sic enim tibi op̄us est, vt benedicti-
one tegminis, quæ tibi data est, in meo tantū die utaris. Et quia oculos fidei fixos in
meo semper seruitio tenens mansisti, & laudem meam diffusa in labijs tuis gratia, dul-
citer in cordibus fidelium depinxisti: & vestimentis ecclesiæ iam in hac vita ornatus
eris, & in futuro in promptuarij meis cum alijs seruis filij mei lētaberis. Et his di-
cis, vnā cum virginibus & luce, quæ venerat, ab oculis eius remeauit. Remansit verò
Dei seruus intantū securus de adipiscenda gloria, quantum præscius de promissa si-
bi victoriæ palma. Vestis quoquè, quam detulerat Dei mater, seruatur in Toletana ec-
clesia, miraque subtilitas, mirique candoris. Cathedram autem episcopalem, in qua
dignata est residere Dei mater, nullus postea sedere præsumpsit episcopus, nisi domi-
nus Sigibertus, qui statim ipsum perdens, exilio relegatus est. Nouem itaque an-
nis & duobus ferè mensibus vir Dei Hildefonsus clarus extitit meritis, & retentatione
pontificalis regiminis. Expleto autem xvij. prædicti regis recessu anno, die x. Ca-
lend. Februarij domicilio carnis exiit, atque in ecclesia B. Leochadi honorificè tu-
mulator. Non defuerunt ei promissa à regina cæli, beata gaudia: quin immō ea suffi-
gante, felix ciuius anima ad cæli perlata est palatia, vbi filium virginis contuetur in sua
gloria, Amen.

MARTYRIVM SANCTI BABYLAE EPISCOPI ET MARTYRIS, AVTHORE D. IOANNE CHRYSO-

Habetur to
mo 3. ope-
rum ciuide.

*Itomo contra Gentiles: omīssis quibusdam ob vitandam nimiam pro-
lixitatem. Interpres est Germanus Brixius Altisiodo-
rensis, Canonicus Parisiensis.*

IANVAR. 24



Vōd vetera ea, quæ nos auditu accepimus, non minore si-
de digna sint, quam quæ præsentia sunt, & quæ ipsi videmus,
id certè omnes fateantur, nisi si qui fortè stupidi ac deliran-
tes fuerint. Verūm vt victoriam etiam vel ex superioribus
facultatibus reportemus, volo & memoria nostrā nouum
quoddam atq; inopinatum facinus proferre. Enim uerō nē
tumultuemini, si miraculum x̄tate nostra factum dictum
me pollicitus, tamen à veteri historia narrationis exordiū
contexere aggredior. neque enim intra vetera illa tantū
subſistam, neque quæ ego vetera sum huc allatus, ea à re-
rum nouarum arguento discrepant: sic enim vtraque in-
ter ſeſe coherent, vt nō possis illorum consequentiam alteram ab altera ſeparare. Id
quod auditis rebus probē iudicabitis.

Fuit Imperator quidam Maiorum nostrorum temporibus, qui qualis aliqui fuerit,
dicere non habeo: verūm vbi scelus ab eodem magna audacia atq; improbitate factū
audi.

Numeri
anus is fu-
it.

audiēritis, & reliquā morū illius crudelitatem perspectā habebitis. Quodnam ergo piaculum id fuit? Vīsum fuerat genti cuidam, cum hoc Imperatore bello decertanti, bellum tandem componere, sic, vt neq; alteros affigerent, neq; ipsi viciissim ab alteris posthac affigerentur: quin potiū molestijs, periculis, omni denique timore defungentur, ac partis cōtentis, nihil quicquam præterea requirenter: præstare enim, timore procul depulso, mediocribus frui, quām plura appetentes vbiq; timere, trepidare, atq; adcō malis vltro citroque datis & acceptis vitam transfigere. Itaque cūm constitutum illis esset, bello prorsū deposito, quietam ac minimē sollicitam vitam viuere, vīsum est commodum, hoc firma aliqua pactione ac stabilibus terminis vīctum confirmare. Tum foedere facto, dato atque accepto iureiurādo, & regi præterea suo suadere conantur, vt iū suo ille filio (puer autem is admodūm erat) pro certo pacis pignore deposito, præstaret, tum vt qui priū hostes erant, bono in reliquum tempus animo essent: tum animi ac consilij sui testimonio prodiit indicaret, se, quām pacē cum illis faceret, eam citra dolum omnem facere. **Qua oratione rex adductus, filium dédidit, vt ipse quidem opinabatur, amicis ac socijs: vt verò rei exitus probauit, beluae omnium beluarum crudelissima.** Amicitiē enim ac foederis lege regium illum puerulum cūm accepisset, ita. Imperato. ris crudeli. tas & pers.

tim omnia simul conculcauit ac subuerit, iusurandum, pacta, pudorem eum, qui homini ab homine, religionem, qua Deo deberetur, misericordiam, quam à nobis ætas illa impetrare solet: ac neq; iuuentus feram illam flexit, neq; sanè, quā huiusmodi sceleribus comes esse solet, vltio agreste illud pectus terruit, neq; patris filium deponentis verba eiusdem animū subiēre: ea, inquam, quā ille filium in manū tradens fortasse mandarāt, dum postulat, vt iū illius curam quām diligentissimē Imperator susciperet, patrem etiam illum filio suo appellans, dum obsecrat, vt quasi ipse genitor foret, sic illum enutriret atque erudiret, perficeretque, vt maiorum suorum nobilitate dignus ille olim euaderet: denique dum idem pater inter hac verba media filij dextram homicide de-
xtra infertat, ac multis etiam cum lachrymis congressum soluit: horum omnium in-
quinatissimus ille nihil quicquam secum reputat, quin potiū omnibus illis vñā ex ani-
mo excussis, cædem illam cædium omnium sceleratissimam patrat.

Hoc enim flagitium, filij etiam proprij cæde grauius est, cuius rei testimonium à yobis mutuabor, qui vtiquè non sic, opinor, indoluissetis, (si modò ex animi mei affectibus & vestrorum item affectuum conjecturam facere oportet) si illum audijsetis propriū filium occidisse. Tum enim vñā cum communib; legibus & natura etiam leges subverti vñā fuisse. Hic autem plurima simul concurrerunt, quā numero ipso naturæ necessitudine validiora esse possunt. Quoties enim mihi ante oculos obueratur adolescens ille prorsū innocens, idem à patre deditus, idem à Maiorum suorum regia auul-
sus, idem domesticas delicias, gloriam, honorem cū extorri vita, hoc nomine communans, vt posset impurus Imperator pactis cum hoste foederibus fidere: idem postea ab illo miserè confectus, & splendore domū paternę per eadem foedera priuatius, denique ab eodem iugulatus: nimirū secū pugnans me subit affectus, liquefacto simul atq; ex-
fusante intū animo, quorum affectū alterum mihi ira, alterum moestitia parit. Nam dum mecum reputo scelestum illū armātem sese, gladium intentantem, pueri collum apprehendentem, qua dextra depositum receperat, hac eadem gladium in illud impel-
lentem, disrumpor, atq; adeo ira suffocor. Rursus dum intucor iuuenem illum timen-
tem, trementem, ploratus extremos plorantem, patrem inclamantem, hunc ipsum istum
rum rerum authorem suisse testantem, cædem non ci, qui gladium in guttur mergeret,
sed ei, qui se genuisset, acceptam referentem, neq; fugam adornare, neque sibi auxilio
esse valentem, sed quod vnum supereft, frustā de proprio parente expostulantem, deni-
què plagam receptantem, palpitantem, calcibus paumentum ferientem, terram san-
guineis riuis inquinantem, ipsa mihi intū viscera discerpūtur, ipsa mihi cogitatio ob-
tenebratur, ac mihi ob oculos moestitiæ caligo quādam offunditur. At verò non perin-
dē belluīnum illud Imperatoris pectus affectum videoas: quin potiū quasi vel agnum,
vel virulum immolatus, sic ad scelestam illam cædem animatus fertur.

Mira rei ge-
ste repre-
sentatio.

Et puer quidem plaga accepta exanimis iacebat: at percussor admisso sceleri patrocinabatur, posteriori facinore prius illud obscurare laborans. Existimaturus es fortasse, me de sepultura loqui velle, deque Imperatoris impietate, qui à se occiso ne tantilum quidem terra impertiuerit. Ego verò aliud quoddam facinus, eo quod à me iam

IANVARIUS.

594

Nefarij cædi adiungit tur ingens impudenteria & temeritas. dictum est longè atrocius, indicatus sum. Nam manus illas impias tam innocentis sanguine vbi conspurcauit atque conseceravit, nouamque illam tragœdiam peregit, quasi nullo prorsus à se scelere facto, effrons, & ipsis etiam faxis durior, ad Dei optimi maximi templum festinabundus accurrit. Miraturi fortasse sunt nonnulli, cur factum est, ut qui tam lœvum patrâsser facinus, diuina statim in plaga percussus non fuerit, aut quo pacto prius, quam introijset, in illum Deus non continuò fulmen cælitùs contorserit, ita ut eiusdem os impudens cælesti igne mox conflagraret. At ego, si quibus huiusmodi cogitatio in animum descenderit, laudo quidem illos & admiror excandescenziæ istius causa: tamen huic meæ de illis tum laudationi, tum admirationi, non nihil certè adhuc deesse dico. Etenim iusta quidem illos indignatio subit, tum ob peremptum injuria puerū, tum ob diuinæ leges tanta cum petulantia atque contumelia violatas: sed ijdem tamen iræ imposta exestuantes, rem ipsam totam non perpendunt. Iustitia enim lege hac, alia quædam lex longè sublimior in cælis lata est. Lex verò ea quæ tandem esse potest? Ijs qui peccatum aliquod commisere, pœnam non euestigio Deum irrogare, sed tempus delinquenti concedere, ac veluti præscriptū diem statuere, intra quem peccatum quum deposuerit, pœnitentia beneficio par tandem ijs euadat, qui nullum prorsus peccatum admiserunt. Id quod & tunc Deus in misericordia perditi illius causa declarauit: sed nullus tamen propterea subseqebatur profectus, inemendatus enim persistebat. At Deus, quo est in humanum genus amore, hoc etiam cùm prouidisset, ne sic quidem illum despexit, neque partes ipse suas intermisit: sed & laborantem inuisit, adhibitis etiam ijs remedij, quæ salutem afferre possent. cæterum tantum absuit, ut porrectum ille medicamentum admitteret, ut vel medicum ad se hoc nomine missum trucidauerit. Medicamentum porrò ac medicina item ratio, huiusmodi erat:

Babylas regit ecclesiā Antiochenam. Fortè fortuna per quod tempus crudelis ac miseranda, quam dixi, fabula licentiose ageretur, magnus quidam atque admirabilis vir (si modo viri nomine designare illum fas est) nostri huius gregis curam gerebat: Babylas huic nomen erat. Is igitur per eos dies Christi ecclesiam hanc à spiritu gratia sibi concreditam quum haberet, Eliam atq; huius ænulum lohannem, non dico præteriit, nè inuidioso admodum verbo vitar, sed vsqueadè est assequutus, ut ne tantillum quidem illorum generosorum pectorum libertati concesserit. Neque enim paucarum ciuitatum tetracham, neque gentis unus regem, sed cum, qui imperio suo plurimam totius orbis partem contineret, ipsum, ipsum hunc (inquam) homicidam, de quo nobis est sermo, eundem multarum gentium, multarum ciuitatum, immensi item exercitus dominum, eundem, quoquæ te vertas, tum ab imperij amplitudine, tum à morum ferocitate terribilem, quasi vile quoddam ac nullius precij mancipium, sic à Dei templo exegit, tanta adeò cum constantia atq; animi præsentia, cum quanta pastor scabiosam ac morbidam ouem ab ouili excludit, dum prohibet, nè laborantis ouis morbus ad reliquum quoquæ gregem contagione serpat. Et hæc quidem fecit Babylas, re ipsa seruatoris nostri verbum confirmans: Solum illum videlicet seruum esse, qui peccatum facit, ut sexcentas eriam coronas capite gestet, ut omnibus, qui super terram sunt, hominibus imperare videatur: qui autem culpa nullius sibi conscientis est, ut in subditorum classe censeatur, hunc vel regibus omnibus regaliorem præstantioremque esse. Ergò ipsum Imperatorem statim is, qui illius imperio parebat, rexit, & ei, qui omnium dominator erat, subditus iura dedit, atque adeò aduersus eum damnations calculum tulit.

Imperatore templo ejicit. Tu verò quisquis es, qui hæc audis, noli, quod dictum est, leviter transmittere. Nam auditus facti huius nuncius, exitisse ex subditis, qui Imperatorem à templi vestibulo exegerit, per se abunde satis est ad commouendos ac perterrefaciendos auditorum animos: qui si vis miraculum totum exactè pernoscere, nè verbum ipsum nudum speces, sed ponito tibi ante oculos, hinc satellites hastatos, hinc milites scutatos, hinc tribunos, hinc exercitus duces, hinc permultos in aula regia educatos, hinc eos, quibus ciuitatum administratio credita esset, hinc præeuntium, hinc sequentium fastum, hinc asseclarum scipios virginium turbam, denique vniuersum Imperatoris familiitum: secundum hæc ipsum Imperatorem in medio illo comitatu multo cum fastu ingredientem, eundemque vestium, purpura, lapillorum hæc illæ conspersorum, in dextra, in militaris vestis commissura, in capitisi diademate refulgentium sumptu sibi placentem: ac ne hoc quidem loci cepta semel à te imaginis istius faciem finias, quia candem

Iohann. 8.
Mira hypothesis.

candem proferas ad Dci vsque seruum illum, beatum, inquam, Babylam, eiusdemque humilem habitum, vulgarem vestem, animam contritam, sensum ab omni temeritate alienum: atque his demum coloribus vtrunque cum depinxeris, & alterum alteri opposueris, tum certe facti huius miraculum bellè perspicies. Immò verò ne sic quidem id exactè compræhendes. Babylæ enim fidutiam nullius planè sermo, nullius oculorum acies repræsentare queat, sed solum illius experimentum atque vsus, cuius generosi Constantia animi præsentiam solus is possit rechè animo concipere, qui potuerit ad id fiduria fasti. Babylæ. gium pertingere. Quomodo enim senex ille accessit? quomodo prætoriam cohortem dissipauit? quomodo labia diduxit? quomodo verba fecit? quomodo incepuit? quomodo dexteram in pectus impactam firmauit? pectus, inquam, ira turgens, ac cede feruens? quomodo homicidam exegit? nihil illum eorum, quæ agerentur, deterruit, nihil de sententia deduxit.

Exclamare hîc liber: O animum imperterritum, mentemque excelsam: o cælestè pe-
ctus, & constantiam angelicam. Quasi enim depictam in pariete videret vniuersam il-
lam speciem, sic omnia intrepide generosus ille vir peregit. Etenim illum sacra erudi-
ciant literæ, mundi huius res omnes non nisi vmbram esse ac somnium, & si quid his Sententia
vanius. Propterea Babylam nihil ea omnia terruere, immò verò magis animauere. illo. memora-
rum enim, quæ coram cōtuebatur, adspectus, cuius cogitationem traducebat ad supre-
mum illum regem, sedentem super Cherubin, abyssos contucentem, ad thronum illum Dan. 3.
gloriosum & excelsum, ad exercitum illum cælestem, ad angelorum myriadas, ad chilia-
des archangelorum, ad suggestum terrible, ad tribunal incorruptum, ad flumen ignis,
ad iudicem ipsum. Propterea certe se ipse totum à terra in celum transferens, quasi iu-
dicii ipsi adiusteret, ipsumque audiret iubentem, vt scelestum atque inquinatum illum à
sacrosancto grege expelleret, sic eiecit, & à reliquo armēto separauit, nihil prorsus re-
spiciens eorum omnium, quæ videbat, quæque terrifica alijs videntur: quin potius illo
viriliter atque admodum generosè expellendo, diuinis legibus vim ac tyrannidem pa-
tentibus, opem tulit. Atqui quanta Babylas erga ceteros fidutia vsus sit, hinc constare
potest. Quemnam enim ex alijs metueret, qui aduersus ipsummet Imperatorē tantam
sibi potestatem sumeret?

Equidem vir ille qualis fuerit, coniectura quodammodo assequor, seu, vt verius dicā,
de eo sic mihi ipse persuasi, vt nihil quicquam, vel in gratiam, vel in odium vñquam vel Integritas
faceret, vel diceret: sed generoso semper ac forti animo contra timorem, contra item S. Babylæ.
adulationem, quæ timore impotentior est, contra id genus alia (cuiusmodi multa inter
homines accidunt) sece opponeret, nec vñquam ne tantillū quidem rectum adulteraret iudicium. Si enim amictus, dentium rufus, pedis ingressus, hominis naturam argu- Eccl. 19.
unt: multò quidem magis tot ac tanta illius egregia facta omnibus nobis fidem face-
repossint, quantam ille in reliqua vita virtutem amplexatus fuerit.

Neque enim nobis ille ob fidutiam modò, qua prædictus erat, admirabilis esse debet:
verū ob id quoquè, quod eam fidutiam ad hoc vsque loci perduxerit, simul ob id,
quod eam vñterius non promouerit. Talis est enim Christi sapientia, quæ permittit, Christi sa-
nè quid minùs, nè quid item plus iusto decertes: sed vt omnia intra modum efficias. pientia.
Atqui Babylæ licebat, si voluisset, vñterius progreedi: ei enim, qui vitæ curam semel ab-
iecerat, (prorsus enim non accessisset, nisi se ipse huiusmodi cogitatione armauisset)
omnia libere agere licebat, & Imperatorem conuicijs adspergere, & diadema capite
detrahere, & pugnis os contundere: nam & dextram in pectus iam impegerat, sed ta-
men ab his omnibus abstinuit: animam enim habebat sâle spirituali conditam, quæ res
præstabat, vt nihil temere, nihil stulte, sed omnia recte rationis iudicio ac statu ordi-
ne exequeretur: non quemadmodum gentilium sapientes, qui nunquam intra mo-
dum, sed vbiq[ue] (vt ita dicam) aut maiorem, aut minorem, quam decet, orationis liber- Immode-
ratum usurpant, idque vt nusquam fortitudinis, vbiq[ue] affectuum ratione carentiū opis-
sophorum.
tionem sibi concilient: in ijs, quæ assequi non possent, metus atque ignavia: in quibus
excessissent, insolentiae ac vanitatis apud omnes conuicti. At non sic Babylas nosfer, qui
quod ipsi in mentem venerat, id non inconsultò aggressus est, sed nihil non accurate
perpendens, & animi sui cogitationes diuinis legibus conformans, ita demum ad opus
cas eduxit. Eapropter sectionem ipsam neque per summa tantum inflixit, vt nè maior
membrí affecti pars incurata relinqueretur: neque altiorem quam decereret, vt nè super-

vacanea plaga, quod sanum esset, offendiceret: sed plaga prius ad morbum attemperata, medicinam quam optimam adhibuit. Evidem hinc illum pronunciare ausim, ira, pusillanimitate, arrogantia, ambitione, odio, timore, adulatione prorsus vacuisse: quod si & maius quiddam atque admirabilius fatendum est, non tam certe mirum mibi videtur, eundem aduersus imperatoriam insaniam tanta fidutia constitisse, quam vidisse atque intellexisse, quatenus hoc ipsum facere oporteret, nec quicquam preterea vel fecisse veldixisse. Et quidem quod postremum hoc longè illo admirabilius sit, multos utique inuenias illius compotes euasisse, ab hoc tamen superatos. Vociis enim libertatem vt cuncte usurpare possunt & ex plebeis permulti; at illa eadem decenter vt tempore consentaneo, congrua tum mensura, tum prudentia adhibita, magni admodum animi & admirabilis fuerit. Quando & in beatum illum David magna cum licentia ac contumelia inuestitus est Semei, quem & sanguinarium virum appellauit, verum hanc ego nunquam dixerim fidutiam ac libertatem, sed lingua potius intemperiam, mentis temeritatem, contumaciam, dementiam, atque id genus quolibet vitium. Conuenit enim, arbitror, vt qui alios reprehensuris est, is animum suum quam longissime ab omni temeritate ac contumacia asserat, quamque usurpat agendi vehementiam, eam ex verborum atque rerum natura tantum demonstrat. Etenim medicum vel putrida membra secare, vel intumescientia comprimere opus est, non ira prius animum suum compleentes, ita demum ad curandum accedunt: sed tum maximè decenti in statu animi cogitationem continere adlaborant, vt ne arti ipsi turbati animi motus officiat. Quod si corpus curaturo tanta animi sedatione opus est: quo, obsecro, animarum medicum loco habebimus: quantam ab eo sapientiam exigemus? Certe longè maiorem, atque adeò tantam, quantam bonus ille martyr praestit. Nobis enim quosdam quasi terminos & regulas prescribit, per quas videlicet & in reliquis facta proportione nobis ipsi modum desumamus: sic miserum illum à sacrosanctis clausis summoit.

Ac factum quidem hoc videri potest unum modo esse egregiae virtutis opus: verum tamen si quis id perpendat, ac tanquam explicans vnde diligenter speculetur, inueniet & alterum, & tertium item emolumentum inde simul enasci, magnumque iniibit utilitatis thesaurum recondi. Si quidem unus tantum is fuit, quem à templo expulit Babylas: at multi extitere, qui lucrum inde reportarunt. Quotquot enim erant, qui fidem suam Christo nondum obstrinxissent, (de ijs loquor, qui tyranni huius imperio parabant: id autem imperium bonam totius orbis partem occuparat) ij certe omnes obstupuerunt, admirati sunt: inde edocti, quantam seruis suis libertatem Christus imperierit, deriserunt suam ipsorum illiberalem & abiecitam seruitutem, perspexerunt quantum inter se discrepant Christianorum nobilitas, & gentilium probrum. Qui enim ethnici quo apud illos templorum administrationem suscepere, ij reges suos colunt plusquam dominos, plusquam idola etiam ipsa qua adorant, regumque metu statuimus ipsi assident, ita ut maligni illi demones, honorem omnem sibi impensum, Imperatoribus solis acceptum referant. Itaq; vbì contingit Imperatorem aliquem creari, qui cum illorum religione non consentiat, mox ibidem, si quis in idolorum templo fuerit ingressus, passim arae carum telas parietibus circunfusas videbit, & tanto situ idioli statuam obductam, vt neque natus, neque oculus, neque alia quævis totius oris pars appareat. Ex altaris autem, aliorum reliquias solum superesse, maiore parte iam collapsa: alia interim tam alta vnde herba circundari, vt qui altaria ea esse nescit, sterquilinij aceru um aliquem esse putet. Cuius rei causa haec est: Illis olîm licebat quæcumque vellent suffurrari, & per statuarum cultum ventri indulgere: nunc vero quamobrem se miseri discruciauerint? Accubantes enim, ac se ipsi conficienes, ab illis tamen nullam prorsus expectant retributionem: sunt enim ligna tantum ac lapides: verum honore eo, quem Imperatores statuis ijsdem exhibent, adducuntur illi ad huiusmodi cultum simulandum, qui certe tollitur, dum Imperatores sapiunt, Dei optimi maximi filium adorantes. At non ea est rerum nostrarum conditio, sed planè contraria. Quum enim in Imperatorium thronum concendet, qui nobiscum in fide ac diuinitatis opinione consentit, hic segniores efficiuntur Christianorum res: tantum abest, vt illa per humanos honores crederet, consistant. Rursus cum impius aliquis Imperator regnat, qui nos vnde vrgit, qui nos infinitis malis exercet, tum eadem precium accipiunt atque inclarescunt, tum præmiorum

Sacerdotes
ethnici quo
lant reges
suos.

Res Chris-
tianorū p-
secutioni-
bus incla-
rescant.

rum ac triumphorū tempus, tum coronarum, prēconiorum ac virtutis omnis ostendae facultas.

Quod si quis dixerit, superesse etiam nunc ciuitates, candem quam olim superstitionem circa idolorum insaniam præ se ferentes, is primū admodū paucas numerabit. Veruntamen ne hac quidem ratione officiet instituto à me sermoni. Eadem enim suppositio adhuc manet, nam pro Imperatore, ciuitatis administratores habent parem secum idolis honorem deferentes. Atque huius cultus causæ hæc existunt, crapulæ, comedationes tum diurnæ, tum nocturnæ, tibiæ & tympana, & quod liberum est, turpia ^{Causæ ido-} ^{latriæ.} quidem cum omni oris impudentia proferre, turpiora autem factirare, liberum item præ ingluie disrumpi, præ ebrietate debacchari, & in probrofissimam insaniam dilabi. Id genus indecentes sumptus cōtinent adhuc & fouent intercedentem illum errorem. Nam qui opulentiores inter illos sunt, in ordinem parasitorū cogunt eos, qui ob ignauiam fame percuti, quos ipsos tanquam canes ad mensas suas enutriunt, corumque impudentes ventres iniquarum cœnarum reliquijs differunt, ijsdem pro animi arbitrio abutentes. At nos, qui in vniuersum mores vestros iniquos, ac prorsus ratione carentes abominamur, qui ob propriam segnitatem atque ignauiam esurire coguntur, eos non pascimus: quin potius suadēdo hortamur, vt & sibi, & ceteris opera sua victum sufficiant: qui verò mutilo sunt corpore, ijs permittimus modò victum necessarium ab ijs, quibus facultates suppetunt, mendicare. At comedationes, ebrietates, & reliqua omnis insaniam, ac turpitudō à coetu nostro exācta explosaque est: pro quibus introducta sunt quæcunque grauia, quæcunque casta, quæcunque iusta, quæcunque sunt probata, si qua virtus, si qua laus. Nam cetera illa, qua Græci iactabundè efferunt, philosophis suis attribuentes, facile commonistrāunt vanam gloriam, temeritatem, & puerilis cogitationis opera esse. Neque enim temerē apud nos dolio quis accepto se ipse inclusit, neque vili ac lacero panno obteat, sic per forum ingressus est. Ea enim admirabilia quidem esse ^{Labor Phi-} ^{lophorū} ^{inanis.} videntur, labore que multo ac summa ærumna plena: sed indigna tamen sunt, qua laudem mereantur. Est autem diaboli astutia, sibi seruientes laboribus eiusmodi addicere, vnde qui decepti ab illo fuerint, tum diuellantur, tum ridiculi omnibus apparent. Labor enim is, ex quo nullum lucrum manat, nullam prorsus laudem meretur. Etenim existunt etiam hodiè perditæ quidam homines, nullis non flagitijs pleni, qui multò maiora iactitant, quam philosophus ille. Alij enim acutos clavos comedunt, alijs calceos mandant & deglutunt, alijs ad alia his longè flagitiosiora male consulti se conferunt: opera porrò huiusmodi multò sunt admirabiliora, quam vel dolium illud, vel panni illi viles acceleri: sed ea tamē minimè probamus, sicuti neque illa: quin immò & istos, & omnes item, qui similibus præstigijs mirabiles sunt, æquè ac philosophum eundem damnantes deploramus.

Dices, Magnam verò philosophus orationis libertatem apud regem præ se tulit. Vi. Diogenes deamus ergo, quæ sit egregia illa libertas, num etiam ea dolij præstigijs vanior sit. quæ perstringit. nam igitur illa? Proficisciēt cum exercitu aduersus Persas Macedoni, eidemque philosophum magna instantia hortanti, diceret, si qua re indigeret: nulla, ille inquit, nisi quid regem rogauit, sibi à sole nè obstaret, acciderat enim tum iam, vt philosophus à solis radijs caleficeret. Hic non vosipso pudore suffundetis? non oculos, frontemque contegetis? non hinc facientes, terra vos obruetis, ob èa ipsa vobis placentes, ob quæ pudore suffundi oportebat? Quanto enim præstiterat, veste aliqua sumpta, eaque crassula, ad opus aliquod se traducere, neque non à rege quidpiam, quod visui foret, petere, quam lacero induitum pallio sedentem ad solis radios calefieri, paruorum lactentiumque pueroru more, quos nutricies lotos atque inunctos ibi collocant, ybi tum philosophus idein sedebat, infelicitis aniculæ gratiam flagirans? At admiranda fortassis ea est orationis libertas? immò verò & hac quoquè nihil certè prodigiosius. Bonum enim virum oportet publica utilitate facta sua omnia metiri, & aliorum vitam emendatiorem reddere. Postulare verò, vt nè sibi à sole obstetur, quamnam id ciuitatem, quamnam domum, quemnam virum, quamnam mulierem conseruauit?

Agè verò num quoddam lucrum vocis huius libertas peperit? nam lucrum à libera martyris nostri voce natum, iam ipsi demonstrauimus, idque vterius progressi aperiūs detegemus. Tum enim Babylas iniurium Imperatorem, quatenus sacerdoti fas est, puniuit: principum altos spiritus compressit: diuinis legibus, dum violarentur, opem tulit:

^{Nota insas-}
^{niam.}

^{Alexandri}
^{Magnum}
^{dicit.}

tulit: supplicium pro iniustè occiso exegit, suppliciorum omnium grauissimum; ijs quidem certè, qui mente sana sunt. Meministis quidem omnino, cùm de cæde ipsa verba facerē, quemadmodū vestrum, qui audiebat, vñusquisq; intra se afficeretur atq; inflammaretur, percussoremque ipsum in manum capere desideraret, neque non pre-caretur alicundè apparere, qui cædem vlcisceretur. Hoc ipsum igitur beatus ille præstít: poenam enim sumpsit, tum se dignā, tum idoneam qua illum conuerteret, si modò stupidus admodū non fuisset: nequaquam postulando, vt sibi ad solis radios calefienti abscederet rex, neu à sole obstareret: quin potius impudenter in templi septa ingredientem, atque omnia confudentem, quasi canem quandam aut serum improbum, à Domini sui aula excludendo. Vides nunc me non iactabundè, non temerè paulò antedixisse, philosophorum vestrorum miracula à Babyla puerilis sensis opera redditissimis. At temperans, inquis, fuit, continentēque vitam egit Sinoensis ille, vt qui etiā legitimas nuptias non sustinuerit. Sed addo, obscro, temperantia ac continentia illius modum. Tu verò nequaquam addes, quin libentiū temperantia laudes illi detraxeris, cùm temperantia eius modum prodideris: adeò certè ille infamis, ac magno dedecore plenus. Percurrerem hoc loco & ceterorū nugas, stultum ac vanum studium, denique turpititudinem. Vbi enim, quæso, vtile, à seminis humani gustu non temperare? Id quod faciebat Stagirites. Quale commodum, cum matribus ac sororibus misceri: quod quidem philosophus Stoæ præfectus lege sanxit. Percurrerem etiam Academiæ principem, illiusque discipulum: item & eos, de quibus maior est admiratio, his quos nominavit obsceniores fuisse demonstrare, obscenum quoquā puerorum amorem ab illo honestatis ac philosophiae parte annumeratum, omni recta allegoria denudarem, nisi tum nobis ad alia properantibus oratio longior hac ratione fieret, tum omnium illorum risus, vno à nobis detecto, sat super que redargueretur. Vbi enim is, qui austeriorē philosophia partem sequi vifus est, quique ceteros & lingua libertate, & vita continentia excelluit, adeò turpis, adeò immoderatus fuisse demonstratus est, (nam & humanis vesci carnis indifferens esse dixit) quorsum attinet & de reliquis deinceps verba facere, præsertim vbi qui studij ac vitæ instituti excellētia ceteris illustri or fuit, omnibus tam ridiculus, tam puerilis, tam delirus apparuit? Itaque eō nostra reat, vnde aberrauit, oratio.

Ergò Babylas sic, vt dicunt est, tum eos, qui nondūm Christi fidem receperant, compescuit: tum eos, qui iam receperant, religiosiores etiamnū reddidit, non priuatos homines modò, sed & milites, & militum duces, & præfectoris: planum faciens, ipsum etiam regem, eumque, qui summus fuerit, apud Christianos nuda tantummodo esse nomina, ac dum vel pœna irroganda, vel honos deferendus fuerit, quisquis etiam diadema gestet, huc vel infimis quibusque adæquari. Ad hæc corum certè ora obturauit, qui impudentia quadam abentes, affirmare vellet, quam Christiani libertatem Apostolis tribuimus, eam non nisi fictam quandam à nobis iactantiam esse: re quidem commonistrans, olim etiam eiusmodi viros probabiliter extitisse, dum eorum potestatem signorum præstatio maiorem efficeret. Existit & hinc tertium quoddam rara virtutis facinus atque exemplum. Futurorum enim posthac & sacerdotum & regum animos, horum quidem demisit, illorum autem extulit: planum faciens, terræ, & eorum, quæ in terra fiunt, curam ac præfecturam verius residere penè sacerdotem, quam penes eum, qui paludamento ornatus, ac purpa induitus est: necnon oportere de potestatis huius amplitudine sacerdotem nihil detrahere, sed hominem potius exuere, quam authoritatem huic principatiū supernè à Deo attributam deponere. Proinde qui sic è vita decesserit, vel mortuus nemini non prodesse poterit: at qui ordinis huiusmodi desertor fuerit, non solum nemini mortuus vñi est, sed viuentium quoquā, quibus præstet, quam plurimos segniores molioresque reddit, exteris ipse interim & vñtuperabilis & ridiculus. Idem etiam cùm è viuis decesserit, multo cum dedecore ac mœrore ad Christi tribunal sistetur, vnde ipsum postea trahentes, in fornacem ardentem abducent potestates ea, quibus id negocij demandatum est. Quamobrem sapientis verbum nos monet, Nè personam adsumperis contra tuam ipsius animam. Quod si dissimulare tutum non est, dum homini ab homine iniuria infertur: quo tandem supplicio dignus non erit, qui siluerit ac neglexerit, intuitus diuinæ leges iniuriam accipere?

Ecc. 42.

Quin-

Obserua
quam hic
potestatem
tribuar Epis.
scopis.

Quinetiam & aliud item non minus ijs, quæ dixi, bonum nos Babylas docuit, quod videlicet vnumquaque oportet suo officio fungi, etiam si inde nullum lucrum ad alios dimanet. Neque enim ipsi ad Imperatoris quidem emolumentum, libertas profuit: nihilo tamen seciū suas omnes partes atque officium omnibus numeris implevit, quum interīm qui morbo laborabat, propria contumacia atque vecordia artificis peritiam offendit, medicamento à vulnere magna cū animi indignatione amoto. Quasi enim abundē fatis ad impietatem non esset, homicidium patrāsse, & fronte perfic̄ta in Dei templum insilijse: sic homicidio priori & alterum adiecit homicidium, & quasi simili studeret posterioribus sceleribus priora vincere, nec tamen precedentium indigitatē subsequentiū excellētia obscurare: (ea est enim diaboli infania, vt quæ con-
traria ac sibi inuicē pugnantia sunt, adstruat molitaturque) sic utrius homicidio exi-
mum id largitus est, vt mutuam quādam inter se congruentiam haberent. Et erat pro-
fectō pueri cēdes prior posteriori miserabilior, Babylae autem cēdes posterior priori
scelerior. Anima enim, quæ peccati gustum semel fecerit, tum quæ nullius doloris aut Elegans si-
penitentiae stimulis tāgitur, magnū certè austarum morbo adiūcere solet. At quem-
admodū vñu venit, vt scintilla ignis, si forte immensam materiam corripuerit, statim
obuiam quanq; exurat, nec antē tamen subsistat, quām quod reliquum est, id omne de-
pascatur, quantoque plura comprehendenter flamma, tanto magis robur ad alia consu-
menda concipiat, fitque tum, vt comprehensorum à flamma lignorum cōgeries lignis
ijs, quæ mox flamma comprehensura est, quasi insidiā struat, flamma eadem se se sem-
per lignorum comprehensorum auxilio contra ea, quæ intācta adhuc manent, arman-
te: sic & peccati natura, vbi animi cogitationem aliquam adorta est, nec quisquam est, Peccato in
qui malum restinguat, procedens ulterius, grauior certè ac magis indomita efficitur: ipsi initij
proptereā sēpē sit, vt quæ posteriora sint peccata, prioribus grauiora sint, anima semi-
per posteriorum peccatorum accessione ad maiorem contumaciam ac despicientiam
se promouente, & per hēc ipsa suam quidem vim enerante, peccati autem robur
alente: qua utique ratione complures videas in omne peccatorum genus imprudentes
prolapsos, quod flammam initio exorientem non restrinxerint: sic & infelix ille Imperā-
tor peccatis suis prioribus, posteriora grauiora adiecit. Vbi enim iuuenem illum extin-
xit, euestigiò ab illius cāde ad inferendam templo iniuriam irruit: rursus ab hac iniuria,
tanquam iter semel coepit persequens, ad contumaciam temeritatemque suam, sa-
cerdotio contumelia afficiendo se accinxit, vinclumque ferro Babylam, atque in car-
cerem coniectum, ita tum excruciat, ab eodem beneficij penas exigens, eumque ob-
quæ officia admirari potius, coronaque insignire, ac plusquam etiam parentes propri-
os vereri conueniebat, ob ea ipsa cogebat maleficorum hominum vincula, vinculorum
calamitates, miseras, ærumnas sustinere. Ita, quod modò dixi, peccatum vbi initium ce-
pit, nec est, qui id ulterius progrederi impediat, cohiberi postea ac frenari haud facile po-
test, equorum insanientium ritu, qui cū freno ab ore disiecto, necnon sessore ab ar-
mis excuso atque resupinato, neutiquam tolerabiles occurrentibus euaserint, nemini
ne illos inhibente, immoderat quodam impetu hāc se ipsi præcipites ferunt. Quo
fit, vt salutis nostræ inimicus huiusmodi animas ad infaniā impellat, quō eas medi-
corum praesentia atque auxilio destitutas depræhendens, concidat, & infinitis malis
exercat. Etenim qui corpore laborant, donēc medicos ad se adire patiuntur, in ma-
gnam certè salutis spem ingrediuntur: vbi verò mente capti calcitrant, ac se morbo li-
berare volentes mordent, tum denique morbo incurabili laborant, idque non ob mor-
bi ingenium, sed quod ab ijs destituti sunt, qui infaniā illam sanare possint. In quam
infaniā & tyrannus iste se coniecit. Nam medicum nactus, hunc, vulnus adhuc dum
secaret, statim expulit, & à domo quām potuit longissimē exegit.

Hic poteras Herodis fabulam, non iam auribus tantū haurire, sed & corāma-
giōri sanē cum petulantia atque immodestia spectare: quoniamquidem & maiori certè
cum ostentatione atque apparatu diabolus rursus ipsam fabulam in vita huius thea-
trum agendam introduxit, pro tetrarcha regem substituens, pro vna causa duplex ar-
gumentum, idque longē illo inquinatius præbens: vt non numero tantū, sed & ipsa
terum natura, hecce tragedia clarius multò atque illustrior euaserit. Non enim hic,
sicut illuc nuptijs iniuria afferebatur, neque ex illegitimo coitu, sed ex sceleriori pue-
nilis cādis inquinamento, ex tyrannide crudelissima, ex legis transgressione, non in
vxorem,

Numeria.
ni facinus
cum Hero-
dis cōseritur

vxorem, sed in ipsam sanctimoniam præstata, historiæ huius relam diabolus contexit. Conieetus ergo in carcerem Babylas, gaudebat quidem de vinculis, dolebat autem de eius exitio, à quo vincetus fuerat. neque enim pater, neque pædotriba, quem ille ex filij, hic ex discipuli flagitio aut calamitate celebriores sunt, celebritatis huius voluptatem mœtore vacantem capiunt. Propterea & beatus Paulus Corinthios alloquens, dice-

2. Cor. 13.

bat: Precamur autem, ut mali nihil committatis, non quo nos probati videamur, sed ut vos bonum faciatis, nos autem tanquam reprobi sumus. Eadem igitur ratione, & admirabili viro Babylæ discipuli salus desideratio erat, quam expectata ex carcere merces; cui quidem gratius certè accidere nihil potuisse, quam si per discipulum respicetem huiusmodi laudibus priuari ipsum contigisset, seu, ut verius dicam, si discipulus prorsus in istam morū perueritatem dilapsus non fuisset. Nolunt enim sancti corollas sibi alienis ex malis contexi: quod si ab alienis malis nolunt, multò minus ab ijs malis, quæ ipsorum domesticis ac familiaribus obueniunt. Quo nomine & beatus David victoria parta, ac triumpho iam acto, lugebat & lachrymabatur, quod ad calamitatem, quam ex filio receperat, & hæc item accessisset: qui exeuntibus ad conflitum militibus multa tyranni nomine mandabat, eosque qui ad illius cædem properabant, hac oratione prohibebat: Parcite puero Absalon, quem ipsum & in prælio prostratum lugebat, non sine fletibus lachrymisque amaris inimicum reuocans. Quod si naturalis pater tam propenso est erga liberos suos affectu, certè multò magis id de spirituali patre fatendum est. Parentibus enim spiritualibus liberorum suorum maior cura est, quam naturalibus. Pa-

2. Reg. 18.
& 19.

2. Cor. 11.

lo ita attestante: *Quis infirmatur, & ego non infirmor? quis offendiculum patitur, & ego non voro?*

Sed hoc quidem æqualitatem nobis representat, quanquam certè vix patres in hanc ipsam vocem erumpant. Veruntamen demus & illos huc usque affectu accedere posse: nos enim spiritales patres maiora etiam præstare ostendemus. At hoc ipsum vnde? Ab ijsdem iterum visceribus, & à legislatoris Mosis verbis. Ille verò quid dicit? Si remittis eis peccatum, remitte: sin minus, & me ipsum ex libro, quem scripsisti, dele. Nullus sanè est pater, cui alioquin bonis infinitis perfrui liberum sit, qui tamen mali vna cum liberali suis poenis affligi. At Apostolus, ut qui in gratiæ statu versatus fuerat, paterni huius affectus intentionem addidit, propter Christum. Non enim Mosis exemplo cum illis poenas dare malebat, sed ut alijs bene esset, sibi ipsi excidium imprecabatur, quum dice-
ret: Optârim anathema esse à Christo pro cognatis meis fratribus secundum carnem, tanta certè misericordia, atq; affectu olim sanctorum animi abundabant. Vnde & Babylonæ nostri viscera magis excruciantur, quod Imperatoris exitium magis ac magis inualescere intueretur. Neque enim solùm templi causa stomachatus, sed benevolentia quadam erga Imperatorem adductus id fecit, quod illum fecisse diximus. Etenim hinc diuina sacra, contumelia asficeret, illis quidem derimeti nihil afferebat: quin potius semet ipsum infinitis malis implicabat. quapropter pater filij amore tacitus, illum intuitus illata sacris contumelia furore percitum precipitem ferri, immoderatum illum impetum cohære conatus est, cundem à se obiurgatum quasi effrenem equum retrò inhibere properans.

Iubet ins-
terfici.

Atron sustinuit infelix ille: quin potius morso freno prorsus obsistens, seque & furo, & insanæ, rationis gyro reliquo, dedens, in extremi exitij voraginem coniecit, Babylon è carcere eductum, iubens vincutum ad mortis supplicium abduci. Atque hic quæ fierent, ijs, quæ cernerentur, minimè respondebant. Qui enim vincutus videbatur, omnibus simul vinculis solitus erat, tam ferreis, quam alijs item grauioribus: (curas hic intelligo ac labores, cæteraque mala omnia, quæ nos hac in mortal vita circumstinent) contrà, qui solitus ferro & adamante videbatur, alijs quibusdam compedibus longè grauioribus vincutus erat, peccatorum scilicet catenis irretitus. Sanctus igitur Babylon morti se propinquum dum videret, corpus suum vna cum ferreis illis catenis sepelendum mandauit, planum faciens, quæ ignominiosa videntur, ea quoties propter Christum sunt, honorifica esse ac splendida, eumque qui ea patitur, non solùm non dissimilare, sed inde sibi placere oportere: hac quidem in parte beatum Paulum imitatus, qui sursùm ac deorsum stigmata, vincula, catenam versabat, ob ea ipsa gloriabundus, ac sibi placens, quorum alios puderet. Quod autem alios puderet, id ille nobis ea defensione declarauit, qua ad Agrippam usus est. Nam Agrippæ dicenti, Parùm absit Paulæ, quin me

Iubet se-
sepeliti ca-
renas fer-
reas.

Aet. 26.

me Christianum efficias: respondit Paulus, Utinam vel paruo, vel multo tempore, non solum tu, sed & qui hic circumstant omnes, Christiani fierent, exceptis hisce vinculis, quæ vincula non viquè adiecerint, nisi res ea ignominiosa vulgo visa fuisset. Sancti enim Dominum verè quum amarent, afflictiones pro illo magna cum alacritate suscipiebant; per quas etiam clariores euadabant. Unde & hic idem ait: Gaudete in afflictionibus meis. Lucas autem & de reliquo Apostolorum cœtu eadem hęc testatur: Post multa, in- Rom. 5.
quit, flagella recedebant gaudentes, quod digni habiti essent pro Christi nomine igno- Coloss. 1.
minia notari. Igitur ut ne quis gentilium existimaret, certamina ac dedecora vi ac necessitate à nostris sustineri, ipsa certaminis symbola iubet Babylas vna cum cadavere suo inhumari, ostendens sibi illa pergrata & peramica esse, pro ea quidem charitate, qua totus in Christum appensus erat. Et extant etiam nunc cum Babylæ cineribus comedes, ecclesiarum præfectorum omnes commonefacientes, vt vinciri, vt iugulari, vt quiduis pati oporteat, certè omnia prompto atque alacri animo, ac magna item cum voluptate sustinenda, vt concredite nobis libertatis ne leuissimam quidem partem prodamus aut contaminemus. Et quidem beatus ille in eo splendore atque honore mortem cum vita commutauit.

Enimvero existimaturus est fortasse quispiam hoc loci orationi nos nostræ finem imposituros: neque enim vita hac finita, laudatorum operum aut virtutis ostentandæ occiones suppetere, quemadmodum neq; athletis post ipsum certaminum tempus exactum, corollas contexi conuenire. Verum ea quidem est gentilium non ab re opinio, quorum spes ultra hanc mortalem vitam haudquam prorogatur. At nos quibus vita huius exitus, illustrioris vita alterius initium est, ab hac suspicione atque opinione longè absimus, quā sanè opinionem rectam esse, apertius à nobis alibi commostrabitur. Interim & quæ virtutis eximiæ opera post Babylæ generosi martyris obitum obuenière, talia sunt, quæ magnam orationi nostræ fidē facere possint. Posteaquam enim proveritate tuenda, ad mortem usque decertauit, & ad proprij sanguinis effusionem usque contra peccatum depugnans resistit, atque ut ne ordinem cum, quem à magno rege accepérat, deficeret, ipsam etiam animam deseruit, nullo non generoso atque egregio bellatore illustrius occumbens, animam quidem ipsius cælum habuit, corpus autem (quo tanquam ministro ad virtutis opera præstanta usus fuerat) terra, sic ut crea- Anima Ba-
byla est in
celo.

Atquè poterat Babylas vel exemplo Enoch transferri, vel Eliæ modo rapi, ut qui utique & emulator fuerat: At Deus, qua est in humanum genus benignitate, inter alias, 4 Reg. 1,
quas infinitas nobis salutis nostræ occasiones dedit, & hanc quoq; viam nobis à se mun- Sanctorum
itam esse voluit, idoneum ad virtutē capessendam simulum, relictis scilicet interim reliquijs. Nam post sermonis facultatem, ipsa certè sanctorum se- simulus ad
pulca proximum locum obtinent ad animas hominum, in ipsos sanctos intuentium, ad virtutem.

Virtutum earundem emulationem excitandas. Ac sic ubi quis huiusmodi conditoris adstat, suum statim sensum ab hac, quā dico, vi corruptum animaduerit, capsulę enim adspicitus in animam inuadens, ipsam percellit, & excuscirat, ac perinde afficit, quasi qui illic mortuus iacet, preces simul fundat, præsensque adesse cernatur: deinde fit, ut qui se sic affectum sentit, mira alacritate gestiens, aliisque pro rorsus quodammodo effectus, ita ex eo loco decedat. Quisquis porrò animum aduertere volet ad eos, qui mortuos luctu prosequuntur, probè inde edocebitur, imaginationem de mortuis conceptam, solere ex ipsis locis in animos insinuare: qui vbi mortuorum sepulcris adstiterunt, protinus quælibet sepultos coram stantes cōtuecantur, sic eosdem in ipso statim vestibulo inclamant: plerique autem intolerabili dolore vexati, reliquum vitæ tempus ad demortuorum monumenta habitare sibi in animum induixerunt. Id quod ne aquam secissent, nisi à locorum adspicere consolationem aliquam cepissent. Et quid hęc de locis ac sepulcris verba facio: quum & sepè vestis sola mortuorum visa, & verbum unum in mentem influes, animum nostrum excitet, & memoriam interlabet refriceret quibus de causa ipsas nobis sanctorum reliquias Deus reliquit.

Porrò autem quod hęc dicam non temeraria cuiusdam instantiae causa, sed quod id ipsum emolumenti nostri gratia factum fuerit, abunde orationi nostræ fidem faciunt, tum quæ quotidiana à martyribus miracula eduntur, magna affatim ad illa hominum multitudine affluente; tum illis, nihilo inferiora Babylæ præclara post ipsius obitum vir-

Ecc tutis

tutis egregiæ specimina. Vbi enim ita, vt mandauit, sepultus fuit, & tam longum temporis interuum ab eius sepultura intercessit, vt non nisi ossa ac cinis in feretro superarent: placuit Imperatori vni ex ijs, qui postea imperarunt, Deo ipsius animum ad id impellente, capsulam in suburbium istud Daphnen abduci. Quum enim Deus vidisset locum illum adolescentium intemperantia, quadam quasi tyrannide obsecsum, in portum venire, nè prorsus ab ijs desereretur, qui grauiores essent, quique in honestate ac modestia vitam degere in animo haberent, loci incommodum ac noxam miseratus, misit qui contumeliam vindicaret. Etenim ipse Daphnes locus pulcher atque amoenus vt esset, Deus fecit, simul aquarum copia ac pulchritudine, simul terræ ingenio, simul cœli atq; aëris temperie, non quidem vt solum inde oblectantem ac leumentum captaremus, sed vt his de rebus se optimum opificem laudaremus. Salutis autem nostræ hostis (cuius ea est natura, vt Dei munieribus in opus contrarium semper abatur) locum eundem cum occupasset, qua corruptorum iuuenum turba, qua malorum spirituum habitaculis, affinxit præterea & infamem quandam fabulam, per quam suburbij decor omnis ac gratia dæmoni accepta ferebatur. Fabula porrò sic habet:

Fabula de Daphne.

Daphnen aijunt adhuc puellam, Ladonis fluuij filiam, (antiquis enim mos is repetus fuerat, vt & fluuij gignerent, & quæ à fluuijs genita essent, in res postea sensu parentes mutarentur, & pleraque id genus prodigiosa effingerentur) Daphnen, inquam, puellam, forma admodum præstantem fuisse volunt: quam cum vidisset Apollo, illius statim amore deslagravit. Hæc verò deum cursu se capere cupientem fugiens, in suburbium istud cum peruenisset, ibidem substitit: mater porrò vim patienti filiæ open ferre volens, aperto gremio virginem statim exceptit, ac pro puella eiusdem nominis plantulam reddidit. Hic perditus amator, amoribus suis fraudatus, arborem circumplexus, tum plantam, tum locum sibi vendicavit, propriumque fecit. In quo postea quum assiduus commoraretur, cum præ alijs omnibus diligere atque amare coepit: postrem qui tum rex erat, Pollini templum & aram extrui iussit, quod posset dæmon suam insaniam per eum locum consolari. Et hæc quidem vetus fabula, at incommodum à fabula exortum, non iam fabula fuit. Posteaquam enim iuuenes permulti impudici illuc accedentes, suburbij pulchritudinem contaminarunt, ibidem in confessionibus atque ebrietatibus visitantes, volens diabolus malum hoc magis ac magis gliscere, fabulam eam, quam recitauit, confinxit, dæmonem loci eius incolam esse diuulgans, vt ciusmodi historia maius illis impudicitiae atque impietatis incendum fieret.

Quam mira de sancti episcopi & martyris corpore refert Chrysostomus?

Ad tanta porrò isthæc mala tollēda, inuenit Imperator sapientissimum id remedium: Sanctum Babylæ martyris corpus eum in locum si transferretur, existimauit perinde fore, ac si medicus ad laborantes mitteretur. Sin iter id, quod ab urbe ad suburbium ferret, autoritatis regiæ mandato impediret atq; interdicere, iudicauit mādatum id omnibus vulgo visum iri tyrannicum quoddam, agreste, ac crudele factum. Quod si mandato adderet, vt qui honesti ac moderati essent, ijs suburbij adeundi potestas fieret: qui verò incontinentes atque intemperantes, ab eo arcerentur: mandatum perplexum ac difficile fore censuit, vt potè per quod præuidebat quotidiana censuras in judicanda vniuersitatisque vita necessarias. Itaque martyris præsentiam malorum horum omnium finem ac remedium fore existimauit, quem quidem idoneum intelligebat, qui tum dæmonis potentiam antiquaret, tum iuuenum luxum emendaret: qua vtiq; spe nequam falsus est. Nam vbi quis Daphnæ appropinquit, viso statim martyris monumento, vel ab ipso suburbij vestibulo, compescitur atque emendatur, more adolescentis alicuius in conuiuio accumbentis, ac pædagogum adstantem contuentis, eundemque vultus significatione iubentem, vt decenti ordine seruato bibat, edat, loquatatur, rideat, cauens necubì modum supergressus, suam ipse existimationem dehonestet. Porro ab eiusdem monumenti adspectu, tum ab ea, quam de beato martyre concepit, imaginatione factus ille religiosior, ad capsulam ipsam continuo accurrit: ad quam cum primùm peruenit, maiorem animo trepidationem recipit: mox abiecto omni contemptu tanquam volatilis effectus, irà ab eo se loco domum recipit. Idem etiam eos, qui ab urbe in suburbium ascendunt, de via excipiens, huiusmodi cum intemperantia relegat ad Daphnes laxamentum, tantumnon vocem illam inclamans: Exultate Domino in tremore. & Apostolicum illud adjiciens, Siue comeditis, siue bibitis, siue aliud quodvis faciatis,

ris, ad Dei gloriam omnia facite. Qui idem si incidat in nonnullos delicijs delibutos, ex suburbio ad urbem se recipientes, (si quibus forte visu venerit, ut quadam quasi animi socordia frenum abijciant, atque in crapulam, in absurdas aliquas delicias precipites ferantur) hos ebrios in suum diuersorum excipiens, non permittit ebrietatis noxam gestantes, domum abire, quinimmo timore incusso refrenans, ad eandem reducit sobrietatem, qua predicti erat, antequam ebrietate madeficerent. Et enim quasi tenuis quedam aura eos, qui in martyris æde fuerint, vndique circumspirans afflat, non ea quidem sensibilis, nec que ad augendam corporis vim faciat: sed que in ipsum tantum animum obrepatur, eundemque vndique decenter compescens, ac terrestrem omnem sarcinam circuncidens reficiat, atque ingrauescentem iam & fractum agiliorem reddat. Et quidem Daphnes forma ac pulchritudo segniores ad se ipsa euocat: at martyr quodam quasi in piscatu considens, & ad se introgressis insidias parans, eos retinet, ac velut ad normam quandam prius compositos dimittit, & ita dimittit, vt amata in posterum pudicè ac circa omnem incontinentiam sint vsuri. Dum enim ex hominibus alij socordia Deus ut in adducti, alijs mundanis solitudinibus impediti, sanctorum martyrum monumenta in uitet ad viuisse negligunt, perfecit Deus, vt hocce irretrirentur modo, & talem ipsi fructum cura- senda San. etorū mo- numenta.

Et quidem modo & dæmonis potestatem extinxit? Primùm quidem tum dæmo- Babylas de- nis inibi habitantis obdisionem, tum fabulæ noxam ijs ipsis, quas dixi, rebus ineffica- monis po- cem reddidit: deinde & dæmonem ipsum exegit. Verùm antequam ad exactiōnis mo- testatē ex- dum veniam, illud vos annotare postulo, Babylam non statim vbi aduenit, dæmonem sentia relis- tinxit prae- eicisse, sed manentem eum ociōsum, inertem, agendisque rebus ineptum reddidisse. quiarum Illi enim os ita obstruxit, vt vellapidibus ipsis magis mutus redderetur. Et quidem ma- fuardum, nentem inibi dæmonem superauisse, non minus fuit, quam si eundem de loco exegis- set, quem qui loci illius accolis omnibus fucum prius faceret, ne extincti quidem Ba- byla cineres contueri sustineret. Ea est enim sanctorum potestas, vt illorum supersti- cibus & loculi san- tum dæmones ne vmbras quidem aut vestes ferre possint, vita autem functionum & loculos quoquere reformident. Itaque si quis quæ ab Apostolis facta fuisse prædicantur, etorum dæ- monibus formidabi- fidei non habet, is tandem memoria huius miracula intuitus ab impudentia sua de- ficit. Nam qui de omnibus olim gentilibus victoriā reportabat, à martyre tanquam les, ab heroi increpitus, suppressa voce latrare desit. Ac primùm quidem videbatur mu- tus esse, quod sacrificiorum & aliorum id genus cultuum particeps minimè fieret. Dæ- monum enim mores ij sunt, vt dum mortales nidore, fumo, sanguine eos inuitant & allestant, tanquam canes crux audi & helluones, ehibendi absorbendique eius cau- sa præstò adsint: rursùs dum nemo est, qui ea offerat, quasi fame quadam pereant. Qui- bus certè sacrificia dum fiunt, ac foeda dum celebrantur mysteria, (quæ ipsa nihil cer- tè aliud sunt, quam amores quidam obsceni, quam puerorum contumelias, quam ad- uiteria, quam domorum subuersiones, vt nihil hic agam de inhumanis cædium gene- ribus, deque nefarijs illorum coenis) quibus, inquam, foeda dum celebrantur myste- ria, statim aduolant & delectantur, etiamsi malefici, etiamsi præstigiatores, etiamsi pe- stes hominum sint, qui mysteria eadem peragant. Immo vero, vt verius dicam, non ali- os plane habent, quam quos depinxi, sacrorum suorum administratos. Qui enim tem-

Ecc 2 perans,

perans, modestus, castus est; is nec commissationem admittet, nec temulētiam, nec diuī
fōdum aliquod verbum ipse proferet, nec alteri cuiquam id genus fōeditatibus inser-
uienti aures suas accommodabit: quanquām oportebat, si quam illi humānē virtu-
tis curam gererent, si quam felicitatis asseclarum suorum rationem haberent, nihil po-
tiū requirere, quām vitam optimam, quām mores reſtē emendatos, prātermis illis
indecoris dapibus, quibus tamen (quādō nihil habent antiquius hominum exitio) ma-
gnopē delectantur, ijsdem coli se profitētes, quibus tum nostra mortalium vita sub-
ueritur, tum honestas omnis radicūtis diuelit.

Apollo ob-
mutescit,
martyris
vim non
ferens,

Primum igitur videbatur hic dæmon hac, quam dixi, ratione obmutescere. Post au-
tem conuictus fuit, violenta necessitate præpeditus id facere metus enim, quo quasi in-
dito in os freno cogebatur, impedimento illi fuit, quō minus solita contra homines
impostura abuteretur. Vnde hoc liquet? Sed nē tumultuemini. Id enim commonstrabo,
atque ita commonstrabo, vt ne illis quidem, quibus maximæ curæ semper fuit impu-
denter omnia asseuerare, in posterum ea impudentia abuti licet, quoties sermo inci-
derit, vel de veterum illorum dæmonum, vel de istius dæmonis infirmitate. Neq; enim
mihi coniecturis opū est, neque id artinet planum facere probabilibus quibusdam ra-
tionibus, sed ipsum dæmonis hac de re testimonium adhibebimus. Ipse enim letalem vo-
bis plagam inflxit, vestramque omnem fidutiam ac libertatem concidit. At vos nē illi
succenseatis: neque enim prudens, sed à maiore quadam potestate coactus, tyrannidem
ipse suam deleuit. Id verò qua tandem ratione factum est?

Ioniū Ius-
lianū Con-
stantius Cæ-
sarē creat.

Mortuo eo Imperatore, qui Babylæ corpus in suburbium transtulerat, huius fra-
trem ad imperij administrationem perduxit is idem, qui illum Imperatorem fecerat,
atque hic sine diademate imperium accipit. haec tū enim demortui quoquā fratis
potestas præscripta erat. Idem hic Imperator, quum impostor ac scelus esset, primum
propter eum, à quo principatum accepérat, Christianum se esse simulauit: deinde eo
vita defuncto, abiecta statim persona, fronte perficta, quam anteà superstitionem in-
tus celauerat, hanc in medium productam nemini non manifestam fecit, diuulgat-
to per vniuersum terrarum orbem mandato, vt idolorum templa instaurarentur, atz
excitarentur, pristini dæmonibus honores redderentur, magni item illis prouentus
varijs ex locis suppeterent. Quo ex mandato magi continuo, incantatores, augures,
haruspices, menagyræ, hoc est, menstrui viatores, seu præcones, denique omnifia-
riæ imposturæ artifices, vndique ab vniuerso orbe confluxerunt. Hic cernere quidem
licebat regiam ipsam infamibus, abiectis ac profugis hominibus refertam. Nam quo-
quot visquā famē tabescentes, quotquot obveneficia ac maleficia conuici, quo-
quot publica custodia addicti, atque ad metalli opus derrusi, denique quotquot sor-
didarum artium artifices vix inde vivitare possent, quum sc̄ ipsi drepentē sacerdo-
tes esse profiterentur, mirum est quanto in honore, quanto in precio habiti omnes
fuerint. Hic Imperator duces ipsos, ac militum præfectos contempnere, assis vnius non
estimare: contrà, mares meritorios, & meretrices è forniciis suis excitatas, vna se-
cum per totam urbem, per angiportus omnes circunducere, quum interim regius
quidem equus, omnesque prætoriani ponè multo interuallo sequerentur, lenones au-
tem & meretriculae anteambulonum loco, & vniuersus meritoriorum adolescentium
chorus regem medium stipantes, per forum inambularent, sermones eos proferentes,
atque cachinnos attollentes, quos par erat eiuscemodi farinæ homines attolleret: quæ
ipsa certè non nescimus talia, tamq; absurdū fuisse, vt posteris fide maiora futura sint.
neque enim priuatorum quisquam, eorum' ve qui humile pudendumq; viuendi genus
instituerint, velit tam turpis, tamque indecens publicè videri.

Sed ad eos sanè, qui adhuc vita sunt superstite, oratione nulla opū est, qui enim ad-
fuere, & ea dum fierent spectauere, hi & quæ hīc à me dicuntur, nunc exaudient. Pro-
ptercā enim superstitibus etiamnunc testibus hæc scribo, vt nē quis vetera recensem-
tem me, inter eos, qui rei ignari sint, magna licentia mentiri existimet. Ex ijsenim, qui
ea viderunt, superant adhuc & senes & iuuenes, quos omnes obsecro & obtestor, si
quid à me historia adiectum fuerit, in medium prodeant, meque redarguant. Sed sci-
licet tantum abest, vt me de meo adieciſſe quicquam sint redarguturi, vt deprehensi-
ri etiam sint, multa certè à me prætermisſa. Neque enim fieri potuit, vt oratione tur-
pitudinis illius immensam magnitudinem repræsentarem: posteris verò, qui creditu-

isthæc non sunt, vnuim id dictum esse velim, dæmonem vestrum, quem Venerem appellatis, nequaquam pudere id genus administris vti. Itaque mirum nemini esse debet, si miser ille, qui prorsus dæmonum ludibrio sese addixerat, ea minimè dissimulareret, propter quæ dij ij, quos coleret, magnoperè sibi placent. Iam verò quis enumerauerit ne- Item necro cromantias? quis puerorum cædes? nam vi etimæ illæ, à quibus homines ante Christi ad- mantia & uentum non abstinebant, post eius apparitionem repressæ, deintegrò renouabantur, puerorum cædes, non iam quidem in proposito: nam tametsi Imperator esset, ac licetiosè omnia ageret, tamen tanta erat rerum eorum impietas, vt ea imperatoria etiam licentia magnitudinem superaret: vi etimæ, inquam, illæ deintegrò tamen renouabantur.

Daphnes itaque idem hic Imperator, grauitatem ore præferens, concendit, multis quidem cum donarijs ac sacrificijs, manante etiam sanguinis torrente, quem maestatum peccudum cædes efficerat. Tum à dæmone magna instatia oraculum poscit, postu- Julianus cō. lans sibi ille ijs de rebus responsum vt daret, quas animo agitabat. Ibi strenuus ille scili- sultus Apol. cet, qui pelagiique modum, & numerum qui nouit arenæ, qui murum capit, & surdum linem, qui intelligit idem, vt de se ipse profitetur, bellè admodum cavit, ne in eum sermonem deueniret, vt aperte testaretur, per sanctum Babylam ac vicinorum virtutem obstru- stum sibi esset os, ac propterè loqui nequaquam posse: nimirū veritus, nè cultoribus suis ridiculus fieret. Ceterum cùm idem adumbrare vellet virtutum suarum à Babyla de- uictarum conditionem, eum taciturnitatis titulum aperuit, per quem ridiculus magis reddebat, quæ si prorsus tacuisse. Tacens enim, imbecillitatē tātummodò suam detexisset: nūc verò & imbecillitatē, & turpitudinem, & impudentiam declarauit, stu- dens ea adumbrare, quæ adumbrari minimè queunt. Quis enim color hic esse potest? Daphnes, inquit, locus cadaueribus scater, id quod oraculum arceret. Et quanto præsta- bat, possim dæmon, martyris virtutem non dissimulare, quæ titulum tam impuden- tem pretexere? & hec quidem dæmon.

Imperator autem mente alienata cùm esset, perinde vt in scena ludens, fabulamque agens, euæstigio ad beatum Babylam fertur. Quanquam o nequam, ac nequissime, nisi vobis ipsi vltro mutuò verba daretis, inq; aliorum exitium colluderetis: quam tandem ob causam, tu quidem suppressis nominibus, atque in genere de cadaueribus loqueris, tu verò, quasi certi alicuius cadaueris nomen exaudies, alijs intaetis, Babyle vnius ca- dauer mouendum tibi sumis? Oportebat enim iuxta dæmonis sententiam conditoria ea omnia, quæ in Daphne essent, effodere, & terriculum à deorum adspectu quæ longissi- mè abducere. At non de omnibus, inquis, mortuis verba dæmon fecit. Cur igitur id non aperte professus est? nempe tibi impostura fabulam agenti, anigma istud reliquit. E qui. Versutia dem cadauera, inquit, tibi dico, vt nè palam fiat, me victum esse. nam & alioqui reformi- do Babylam nominati designare: at tu intelligito, quod à me dictum est, atque vnum pro omnibus martyrem amouero. Ille enim est, per quem muti efficiuntur. Tantæ certè dementia dæmon cultores suos à se damatos esse voluit, vt tam apertam imposturam capere nequieren. nam vt mente alienata atque insana omnes essent, tamen ne sic qui- dom ignorare debebant, quod victum se dæmon fateretur: tam ea res manifesta, tam aperta futura erat. Nam si hominum cadauera inquinatum quiddam (quod tu esse vis) & excrable sunt, multò magis brutorum cadauera, ac tanto certè magis, quanto bruto- rum gentis humano genere contemptibilis est. Multorum verò canum, simiarum, asinorum ossa proximè templum defossa sunt, quæ portiū mouenda fuerant, nisi forte censes homines simijs esse viliores.

Vbi nunc sunt, qui solem, bellum Dei opificium, & ad nostrum ministerium crea- tum, contumelia afficiunt, & dæmoni astrum attribuunt, & hunc illum esse affirmant? Solenim, in tanta etiam cadauerum in terra iacentium copia, per vniuersum orbem diffunditur, nec villo loco neque radios, neque radiorum suorum efficaciam propter ipsas locorum inquinationes contrahit. At deus vester impuram hominum vitam, im- posturas, cædes non modo non auersatur, aut odit, sed diligit, amplexatur, amat, cor- pora autem nostra deuitat: quanquam peccati genus tale esse solet, vt vel apud ipsos authores in summam etiam reprehensionem veniat; corpus autem mortuum, & quod minimè mouetur, omni reprehensione ac criminatione vacat. Sed scilicet istud est ve- dæmonum deorum institutum, vt abominetur, quæ abominanda nequaquam sunt: co- lant idem & approbent, quæ omni odio & auersatione digna sunt. Et bonus quidem

Dæmonum
mores.

Ecc 3 vir,

vir, quisquis est, neque à sano aliquo consilio, vel dando, vel capiendo, neque ab opere necessariò faciendo per mortuum corpus prohibebitur: immò si animo sano est, vel ad ipsa sepultra inhabitan, & temperantiam, & iustitiam, & omnem denique virtutem præstabit: prætereaque artifex sua quisque artis opera absque vlo impedimento factus est, ijsque, qui ipsum rogauerint, præbiturus, non solum cadaueribus propinquus assidens, sed etiam si ipsa mortuorum monumenta extruiere opus sit, & pictor, & lato-
mus, & faber tam lignarius quām ferrarius, denique omnes sua ipsorum opera confe-
runt: vñus autem omnium Apollo per cadauera impedi ri se ait, quō minūs futura pro-
spiciat. Arquì & apud nos magni & admirabiles viri extitēre, qui res futuras quadrin-
gentis ac mille etiam antē annis quām euenirent, prædixerunt: quod dum facerent, nul-
lam prorsū harum excusationum, vel quesiērunt, vel causati sunt: neque mortuorum
sepultra perfungi, neque eos qui intra ea iacērent abiici, neq; nouum & impudentem
effodiendorum cadauerum modum excogitare iusserunt. Attamen ex eis nonnulli, im-
pijs ac sceleris gentibus vicini cùm habitarent, vel in medijs ipsis barbaris, quorum
omnia conspurcata ac polluta erant, verè futura vaticinari sunt, neq; illis ad vaticinatio-
nem aliorum obfuit conspurcatio. Quid ita? quōd quae illi dicebant, ea re vera per di-

Demon fu-
tura prædi-
cere non
potest.

uinæ virtutis opus dicebant. Dæmon autem, cùm prorsus in eo diuina vis nulla esset, de
futuris nihil habuit, quod Imperatori prædicaret. Ceterum nè hęrcat, perplexusque es-
se videatur, cogitur verisimilia quēdam & ridicula simulare. Quamobrem enim, quē-
ro ex te, superiore tempore nunquam tale quiddam elocutus est? quandoquidem tum
velamen hoc prætendere poterat, sūi cultum ab hominibus intermissum esse: hac au-
tem idem excusatione sibi adempta, ad cadauera confugit, anxius animi quorsum eu-
aderet. Nam à decoro ipse suo recedere nolebat. Verūm ipsi vos illum coëgisti, qui cul-
tus excusationem ei ademisti, neque locum illi fecisti ad sacrificiorum penuriam
confugiendi.

Julianus ius-
bet trāsfer-
ri reliquias
S. Babylone.

Hæc igitur vb̄ audiuīt fabulae istius auctor Imperator, iubet statim capsulam deturba-
ri, quo omnibus dæmonem vietum esse innotesceret. Etenim si dixisset ille, Per sanctum
Babylam loqui impediōr, sed hunc tamen nè loco suo moueatis, néve illius capsam ul-
terius conturbetis: nimirūm ea res dæmonis modò cultoribus innotuisset: illos enim
puduisse factum id ad alios deferre. Nunc verò, quasi ipsius infirmitatem traducere ad
laboraret Imperator, sic nihil non fieri coëgit, quo ne volenti quidem factum adum-
brare licebat. Neque enim iam simulatio salua & integra esse potest, propterea quōd
non aliis mortuus, sed solus Babylas illinc translatus est: nec solum qui vrbem, & sub-
urbium, & agros item incolebant, sed qui remotissimè etiam habitabant, in rem pra-
sentem cùm venirent, capsulamque non ampliū illic eſſe viderent, quæsita causa sta-
tim edocebantur, dæmonem ab Imperatore rogam vaticinari, respondisse, id se præ-
flare non posse, nisi beato Babyla priùs à se procūl amoto. Quanquam, ô perridicule
dæmon, licebat tibi ad alias confugere excusationes, cuiusmodi multis identidem vte-
ris, infinita semper rebus in dubijs artificiosè excogitans, alias Lydorum regi promit-
tens magni imperij perditionem, Alym fluuium transgresso, hunc ipsum tamen regem
postea super accensam pyram positum commonstrans: alias in Salamine hac eadem at-
teſsus, quum tu perridiculam illam addidisses coniunctionem. Nam quōd dixisti, Mu-
liebria pignora perdes, simile fuit illi, quod Lydorum regi dixeras: quōd autem adieciſſi,
Vſquam vel Cercere sparsa, coēunte vel vſquam: maiore id certè risu dignum fuit, ac
prorsū simile ijs, qua cū circulatoribus in triujs vulgo iaētatur. At tibi ne ifud quidem
facere placuit. Licebat & tibi sermonem tuum obscuritate velare: (nam & hoc tibi ar-
tificium solenne esse solet) atenim instituerunt omnes iterūm, non intellecētē vocis solu-
tionem quērentes. Tibi etiam licebat ad astra confugere, id enim tute perspē nullo ru-
bore, nullo pudore facis: neque enim tibi res est cum viris mente præditis, sed cum pe-
cudibus, atque adeò cum longè crassioribus, quām sunt pecudes ipsæ. Non erat vtique,
qui tum te consulebant, Græcis sapientiores, ancipitia responsa tua audire solitis, ab
errore tamen sese non eximentibus. At mendacium intellexissent? Te igitur opor-
tuit vni tuo sacerdoti veritatem aperire, qui quōd vietus es, melius, quām tute, mul-
to adumbrare nōsset. Nunc verò quis te miser adducit, vt te in tam manifestam impu-
dentiam obtruderes? Sed tu fortasse peccasti nihil: Imperator verò perperam fabulae
subseruuit. In genere enim cùm de cadaueribus audiisset, qđ Babylam solum adiens,

Fallacia &
ambigua
responſa
Apollinis.

re ille coarguit, & imposturam denudauit. Sed ne ille quidem volens id fecit: neq; enim vnius eiusdemque erat, tot ac tanta tibi donaria honoris gratia offerre, & temet rursum infamare. Verum omnium simul oculis martyris virtus tenebras offudit, neque passa est illos ea intelligere, quæ fierent: quæ omnia siebant quidem quasi contra Christianos: risus autem non in eos qui ea paterentur, sed in eos qui ea facerent, totus vertebatur: quod ipsum vsu venire videmus, quum qui furore corrupti sunt, in ipsos etiam parietes calcitrantes, & fanda ac nefanda in presentes conuicia iactantes, sibi ipsi vindicentur proximos bellè vlcisci, quum factis talibus non illos, sed se ipsos dedecorent. Id quod & tum certè euenerat. Trahebatur enim capsula per totam viam, reuertebatur autem martyr athleta alicuius exemplo, coronam alteram in suam vrbum ferens, in qua & priorem coronam reportarat. Quamobrem si quis est fortè, qui mortuorum resurrectionem neget, quum videat martyris nostri facta illustriora post obitum esse, in posterū erubescat: qui martyr strenui alicuius bellatoris more trophyis trophya coniunxit, magnis maiora, & mirabilibus mirabiliora. Tum enim certamen illi cum Imperatore solo fuerat: nunc cum Imperatore pariter ac dæmone. Tum Imperatorem à sancto templi ambitu exegerat: nunc ex omnibus Daphnes locis pestilentissimum humangeneris hostem expulit, non manum admouens, quemadmodum & prius fecerat, sto virtute inuisibili inuisibilem virtutem debellans.

Ac viuentis quidem liberam orationem non tulit homicida: mortui autem cine- Mortui san- res, neque Imperator, neque dæmon sustinuit, quo dæmone authore Imperator hæc eti cineres agebat. Nam quod Babylas ambobus istis posterioribus maiorem incusserit timorem, tor, nec da- quam anteā incusisset priori illi Imperatori, indè certè aperte liquet. prior enim ille mon sustine- Babylon captrum, eundemque in vincula coniecum interfecit: posteriores autem isti nuit. Babylam solùm transtulere. Cur enim capsulam in mare demergi, neque dæmon iussit, neque posterior hic Imperator voluit? cur non attriuit & exusit? cur non in vastam aliquam solitudinem deferri eam mandauit? Nam si ea piaculum & scelus fuisset, si eam abominans, ac non potius reformidans, illinc dimouisset, non intra vrbum piaculum deducere, quin potius in montes quospiam, in saltus transferre oportuit. Sed sci- licet perditio huic Imperatori æquè atquè Apollini Babylæ virtus, & quam cum Deo habaret fidutia cognita erat: ob id formidabat, si hoc fecisset, nè fulmen diuinum, né- valiquid alium morbum in se ipse prouocaret. multa enim habebat Christi virtutis, tum in ijs, qui ante se regnauerant, tum in ijs, qui vnà secum imperium administrabant, spectatae argumenta. Nam ex superioribus Imperatoribus ij, qui similia attentaue- rant, multis ijsque intolerabilibus calamitatibus acceptis, feeda ac miserabili morte in- terierant, ita ut cuiusdā, dum adhuc viueret, sponte ex oculis pupillæ exilierint: Maxi- minus hic fuit: alius autem furore, alius alia id genus calamitate vexatus, mortem cum vita commutari. Cæterū ex ijs, qui tum cum ipso erant, patruus, quum licen- tiosus insaniam suam contra nos prodidisset, ausus impuris manibus sacra vasa con- Iuliani, qui fuit apostolus, tingere, hoc etiam scelere non contentus, sed contumelia vterius progressus, (vasis tæ patruus, enim ijs inuersis, & super paumentum collocatis atque extensis, ita super ea desedit) (secundum alios au- cestigio illegitimæ huiusc sessionis poenas luit. Illius enim verenda corrupta, ver- culus) in sa- medici aues pingues, easque peregrinas interficiebant, quibus ad putrefacta membra tridis partibus inhærebant, atque illum ita demùm multis diebus absumptum, perdi- runt. Alius porro regij ærarij præfectus, antequam aule regiae limen transcederet, de- repente medius crepuit, & ipse id genus impietatis cuiusdam poenas luens. Hæc sane, & his item plura (neque enim omnia enumerare temporis huius est) animo lustrans im- pius Imperator, verebatur temeritatem suam vterius promouere. Me porro hæc non ex me enunciare ex eis constabit, quæ ab illo postea edita sunt. Interim historiæ nostræ tenorem persequamur, quid exindè euenerit recensentes, hoc enim demùm mirum admodum est, non modò Dei maximi virtutem, sed & inenarrabilem benignitatem pa- refaciens.

Babylas intra sacram templi septum erat, intra quod & prius fuerat, antequam Da- phnen translatus fuisset. At malignus demon statim eductus est, frustra sibi fraudis sus artificia confixa, seque non iam certamen habere cum mortuo, sed cum eo qui vi- ueret,

Apollo di- ueret, qui efficax esset, quique non se modò, sed omnes quoquè dæmones fortitudine
uinitus in superaret. Is enim Deum precatus, ignem in templum ut cælitus demitteret, totum
cinerem re- illius tectum exussit, ipsoque idolo ad extremos usque pedes deleto, eodemque in ci-
digitur, ad nerem ac puluerem redacto, ab omnibus parietibus, qui ipsi integri adhuc stant, absti-
precès S. nuerit. Ac si quis nunc illò accesserit, nunquam utique dixerit factum id, ignis opus esse.
Babylæ. Neque enim incendium id, non ex composito factum, neque ex materia inanimi na-
tum, sed tanquam manu quadam ignem circumagente, atque indicante, à quibus absti-
nere, quæ porrò absūmēre oporteret, tanta certè concinnitate, tanto artificio ipsum
templum detestum est, nec ad simile quidem ijs, quæ casu ac temerè incendio con-
fusse videmus: verum ijs, quæ parietum ambitum integrum cum habent, tecto tamen
carent. Cætera enim omnia, & columnæ item omnes, tam ex quæ templi culmen, quæ
quæ vestibulum sustinebant, adhuc extant, præter ynam, quæ ad posteriorem templi
partem stabant: & hæc tamen non temerè perfracta est, sed ea de causa, quam postea di-
sturi sumus.

Hoc incendium ubi accidit, statim dæmonis sacerdos in carcerem rapitur, incendijs
authorem indicare coactus. Qui ubi non habuit quem accusaret, in fortis cubitis, mul-
tis flagris vapulauit, in sublime raptus, ac latera vndique cæsus: quanquam ne sic qui-
dem ex eo quicquam didicere: reique huius euentus similis erat illi, qui in Christi resur-
rectione accidit. Tum enim dispositi fuere milites, qui corpus Iesu custodirent, nō qua-
possent eius discipuli furto illud auferre, cæterum is fuit rei ipsius euentus, vt nulla vel
impudens species ijs relata fuerit, qui resurrectionis eius fidem eleuare ac calumniari
vellent. Atq; hic distrahebatur miser sacerdos, quo testificaretur factum id non diuina
ira, sed humano maleficio accidisse. Is tamen contortus ac feede laceratus, quum nem-
inem haberet, quem proderet, ignem è calo delapsum testatus est, vt malevolis atque
impudentibus nullus iam calumnia locutus relatus fuerit.

Sed quod nos paulò ante dicere volentes, in alium locum reieccimus, id ipsi hinc tem-
pestiuè dicemus. Quidnam verò id esse potest? Certè martyr noster Babylas Imperato-
rem eosquè terruit, vt furore ille suo supersedéret. Neq; enim ipsum quidem sacerdo-
tem, eumq; quem tanto anteà honore prosequebatur, tot malis testi exusti cauia affec-
tit, & immānius quām fera crudelis dilaniauit, (a cuius etiam vorandis carnibus fortal-
sè non temperasset, nisi res ea detestanda, omnibusque abominabilis visa fuisset) Baby-
lam autem, per quem dæmon os suum obstruxerat, rursus in urbem ea de causa transtu-
lit, vt maior illi honos ab omnibus haberetur. Etenim idem Imperator si minùs prius,
hoc est, quo tempore victimæ se esse dæmon fassus est, at certè post ipsum incendium
omnia subvertisset ac perdidisset, capsulam exuississet, vtrunq; item monumentum, iū
quod Daphne, tum quod in urbe erat, nisi metus in eo quām ira maior fuisset, ac nisl

pius apostolus cius mœstia timor imperasset. Solegne enim permultis esse videmus, quum eos ira ac
ta celestem dolor corripuerit, etiamsi affectu corum authores nō nanciscantur, in obuios quoq;
vindictam. ac suspectos iram effundere. Non procùl autem ab hac suspitione Babylas erat. Nam
similis vt in urbem peruenit, statim ignis in templum inuasit. Sed, quod dixi, affectus cum
affectu pugnabit, & ira metus imperabat. Mihi enim hinc cogita, qualis esse poterat bo-
onus ille Imperator in suburbium ascendens, hinc martyris monumentum stans intui-
tus, hinc templum exustum, idolum deletum, donaria absumpta, & liberalitatis sua ac
pompæ satanicæ memoriam omnem de medio sublatam. Nam vt concedamus futu-
rum fuisse, vt illum hinc cernentem neq; ira, neq; mœstia subire posset, ipsum certè de-
decus ac risus permultum ferrè minimè potuisse: quin poriū sacras impurasq; ma-
nus in sancti Babyle facillum intendisset, nisi illum ea, quām antè dixi, causa prohibui-
set. Neq; enim parui momenti ea res esse videbatur, per quam videlicet præcisæ adem-
ptaq; erat omnis gentilium fidutia & libertas, lætitia omnis extinta, ac tanta mœroris
nebula illorum animis offusa, quanta certè offundi potuisse, si deo tum simul omnium
tempora diruta disturbataque fuisse.

Cæterum tempus iam appetere puto, vt ostendamus tum cur iram suam non in Im-
peratorem, sed in dæmonem conuertit: tum cur factum est, vt ignis totum templum
non absumpserit, sed templi recto statim dissipato corruptum simulacrum improba-
rit, atque refutârit, neque enim ea temerè, neque sine causa contigerunt, sed ab ea Dei
benignitate, qua errantes homines tueri solet, facta fuere. Qui enim res omnes, etiam ante-

Cur in so-
lum idoli
cælestis vi-
tio conuer-
sa sit.

antequam enascantur, nouit, is & hoc item vna cum alijs nouerat, futurum, vt si fulmen contra Imperatorem contorisset, qui praesentes rem spectasset, temporario quodam timore percellerentur: altero autem & tertio vertente anno, rei eius memoria deperiret, multiq; miraculo fidem minimè haberent: fin autem templum flamma correptum fuisset, fore, vt ea res quoquis buccinatore clarius non ijs modò, qui tum superstites erant, sed & posteris quoq; omnibus Dei iram enunciaret: vi ijs quoquè, qui impudentes esse, ac factum id occultare vellent, omnis calumniandi ansa esset præcepta. Quisquis enim in rem praesentem venit, quasi nupèr contigerit incendium, sic animo afficitur, idemq; horrore quodā percussus, cælum contutitus, statim Dei optimi maxi-
mi, incendij eius authoris, gloriam ac virtutem laudibus effert. Vt enim si quis prima-
rij cuiusdam latronis perfracta supernè spelunca ac latibulo, vinctum illum extraxe-
rit, tū eiusdem supellecīte omni ablata, locum illum feris ac monedulis receptaculum
esse suerit, posteā quisquis latibulum huiusmodi fuerit ingressus, simul vt locorum de-
nastationes ac direptiones contemplatus fuerit, statim secum animo concipit ac repu-
tat, qualis fuerit, qui locum illum prius inhabitarer: ita & hic vñu venit. Procul enim
columnas quis intuitus, posteā vbi accessit, ac templi limen supergressus est, effingit si-
bi demonis abominationem, fraudē, insidias, ac Dei iram atque fortitudinem admira-
tus, ita demū de loco eo decedit. sic quæ prius domus erroris & blasphemie fuerat,
nunc diuinæ gloriæ hymnis decantandæ argumentum est: tam ingeniosus, tamq; in-
dustrius est Deus noster.

Atq; hæc quidem nec opinata non nunc primū, sed iam indè à superioribus secu-
lis magno ille miraculo edere solet. Omnia porrò recensere, temporis huius non est:
commemorabimus tamen factum quoddam huius perquā simile. Prælio olim in Pa-
lestina à Iudeis contra alienigenas quosdam facto, victoria potiti hostes, capram Dei ^{1. Reg. 4.}
atcam, tanquam exuicias & opimum quoddam spolium suo cuidam idolo(huic nomen
erat Dagon)donarij loco consecrârunt: ea porrò in idoli eius templum perlata, statim ^{Dagon ido-}
idoli statua delapsa in caput, iacebat. Vbi autem diuinæ virtutis robur hac ruina illi mi-
nimè agnoscētes, idolum deintegrò excitatum in sede sua collocârunt, postridiè sub ^{lum corruit}
aurore tempus eō quum accessissent, viderunt non iam collapsum idolum, sed prorsùs
diffratum. Huius enim manus ab humeris auulsa vna cum pedibus ad templi limen
exilierant, reliqua idoli parte, & ea quoquè diuulsa, aliò dispersa. Et Sodomorum item ^{Gen. 19.}
tellus, vt parua magnis conferamus, hac ratione vna cum ipfis incolis incendio absump-
ta, sterilis facta est, vt non solum qui id temporis superstites essent, sed & posteri item
omnes locorum vestitatem admoniti, continentiores viuerent. Si enim ad homines so-
los supplicium peruersisset, futurum erat, vt factum id posteā ab alijs minimè credere-
tur: propterea locus ipse plagam accepit, qui tempore prorogari potest, quiq; & se-
quentia omnia secula admonet, lege cautum esse, vt qui similia commiserint peccata,
iij similes poenas luant, etiamsi in præsentia id non fiat: id quod & in templi huius incen-
dio accidisse videtur. Ecce enim iam vicesimus ex eo annus agitur, nec tamen ædificij
ab igne reliqui parsilla deleta est: sed quæ partes flamas euaserunt, ex solidè ac firmi-
terstant, suntq; etiam nunc sic validæ, vt vel ad centenos, ducentenosq;, & multò item
plures annos durare possint. Id verò quā mirum videri debet, si ex columnis nulla pro-
sus ab altera auulsa ad solum deciderit? Columnarum enim earum, quæ ad posteriorem
templi partem erant, vna tantum tum perfracta: nec ea quidem corruit, sed à sua sede
mota, ad murum dum caderet inclinata, sic mansit. Cuius quidem columnæ partes sunt
duæ, quarum altera à basi ad sectionem obliquè muro incubuit, altera à sectione eadem
ad capitulum supina constitit, & ea ab inferiori parte suffulta. Quanquam autem &
venti vehementes loco illi sepè incubuere, & terramotoibus crebris tellus fuit cōcussa,
ignis tamen reliqui in concusse manserunt, quæ ipsæ firmiter stant, propemodum cla-
mitantes, sese ad posteriorum emendationem asservatas esse.

Et quidem quod templum ipsum totum non conflagravit, hanc dicere possis cau-
sam esse: quod autem Imperator fulmine percussus non fuerit, aliam si quæsiēris, cau-
sam reperies, ex eodem bonitatis & benignitatis Dei fonte manantem. Propterea enim
Deus ignem ab Imperatoris capite defendit, eundemq; in templi teatrum ejaculatus est,
vt alieno ille malo edocetus, poenam sibi reseruatam esfugere penitentia compunctus,
& errore liberatus. Illi enim hoc neq; solum, neq; primum virtutis suæ signum Christi-
stus

Nota de
hac colu-
mna.

610
sipisceret, stus dedit, sed & alia item multa, hoc ipso non inferiora. Nam & patruus eius, & questor
admonitus ^{aratus}, sic, ut dixi, vterque vitam finientes, præterea & famem in urbem statim vnâ cum
Iulianus.

ipso inuadens, & aquarum penuria nunquam antè visa, quam ab eo sacrificia in ipsis
fontibus facta fuissent, & multa præterea alia, tum ea quæ in ipsius castris, tum ea quæ in
urbibus euenerunt, huiusmodi certè fuere, ut vel saxeam animam flectere possent, non
ob id quidem, quod permulta essent, neque ob id, quod omnia pariter ederentur, ac de-
incèps & post ipsa statim scelera perpetrata, vt quondam Aegyptiorum regis tempo-
re: sed quod, quæ edebantur miracula, per se talia erant, vt ad eorum, qui ea cerne-
rent, emendationem aliud alio non egeret, verum illorum unum quodq; hoc ipsum per
se præstare possit. Nam vt cætera prætermittam, quem tandem, qui idem non admou-
dum stupidus esset, non perterrefecisset editum ad veteris templi Hierosolymitani
fundamenta miraculum? id porrò cuiusmodi fuit?

Tyrannus cùm videret per omnes Imperij sui fines Christi fidem diffusam, eandemq;
ad Persas vsque, aliosq; remotores Barbaros, atque adeò ultra etiam illos perusasse,
breuiter omnem eam, quam sol radijs suis lustrat, regionem occupare, cruciabatur
animo atque angebatur, apparabatq; sese ad gerendum contra Christianorum con-
uentus bellum: infelix, vt qui ignoraret se contra stimulum calces. Ac primùm quidem
Iulianus ex-
citare vult
templū Hi-
erosolymis
tanum.

Hierosolymitanum templum, Christi virtute solo æquatum, excitare conabatur, & lu-
dorum res, quanquam Græcus homo, procurabat, virtutis Christi periculum indè fa-
cere volens. Hic vocatis ad se Iudeis quibusdam, ijsq; sacrificare iussis, (nam & illorum
Majores dicebat hunc religionis ritum obseruare solitos) vbi Iudei ijdem eò configue-
runt, vt dicenter, fas sibi nequaquam esse, id, templo collapso, extra veterem metropoli-
lin facere, iubet illos pecunia de regali thesauro sumpta, suppeditatisq; ijs omnibus
qua ad opus necessaria forent, abire, templum instaurare, & ad pristinam sacroru-
mætudinem redire. Tum illi dementes planè, à matrisq; vtero errantes, atque ad ca-
nos vsque eruditione indigentes discesserunt, Imperatoris mandato parituri. At simul
Nota mira-
culum.

vt edificaturi fossitiam humum evacuare cœperunt, statim è fundamentis ignis exiliij,
quo omnes pariter absuupti fuere. Quæ res Imperatori vt renunciata fuit, neque ulte-
rius insaniam suam promouere conatus est, (metu enim detinebatur) neque tamē dæ-
monum errore (quorum tyrannie prorsus premebatur) liberari voluit. Ac tum qui-
dem supersedebat.

Ceterum non ita multo pòst tempore ad id genus leuitatis rediit, templum quidem
non iam edificare audens, aliundè autem paruulis prælijs ac yelitarionibus nos petens,
aperto enim Marte nos adoriri tum differebat, primùm atq; præcipue, quod persuasus
planè esset, frustrè se id tentaturum: deinde, quod nullam nobis ansam relinqueret vole-
bat, per quam martyrij corona redimiri possemus. Ferre enim haudquaquam poterat,
Iulianus in-
uidet Chri-
stianis mar-
tyrij glori-
am.

idque illi quauis calamitate indignus erat, si quis in medium productus, pro veritate
vel ad mortem vsque tormenta sustineret: vsqueadè ex animo inimicitias se noctras
suscepisse declarabat. nouerat enim, nouerat (inquam) apertè, futurum, vt si ipse at-
tentasset, omnes pro Christi nomine suas animas proderent. Proinde vafer & callidus
cùm esset, quos intelligebat ob peccatum aliquod Christianorum conuentu principi-
bus poenas dedisse, & à præfectura quā gererent amotos, eos omnes liberos esse sicut,
hoc modo, pessimis quibusque licentiam largiens, Ecclesiæ leges subuertens, denique
omnes inter se committens. fore enim sperabat, vt postea minori negotio debellaren-
tur, si prius bello inter se conflicitati fuissent. Quinetiam quandam (huic Stephano no-
men erat) tum ob doctrina peruersitatem, tum ob vita improbitatem ab Ecclesiastico
principatu amotum, iubet deintegrò magisterij sedem occupare: atque adeò Christianum
nomen tunc vt extingueretur, quoad eius poterat, elaborabat, Galilæos pro Chri-
stianis nos in editis suis tum ipse appellans, tum principes, vt idem factarent, adhorta-
tans.

Inter media autem ea signa, quæ per famem atque siccitatem euensiæ recensui, à sua
ipse impudentia ac duritia minimè desistebat. Idem contra Persas bellum suscepturnus,
tanto cum fastu cùm descendisset, vt si omnem Barbarorum gentem deleturus esset,
identidem nobis comminabatur, quum diceret omnes se, post suum à Persis redditum,
funditus perditurum, hoc enim bellum sibi esse Persico grauius, atq; adeò oportere mi-
nore illo confectio, tum demum ad hoc, quod maius foret, descendere. & hac quidem
nobis

nobis annunciat, qui illi à consilijs erant. Aestuans porrò ira aduersum nos ad maiorem quotidie insaniam sublatu, in eadem nunquam sententia persistebat, sed priore illo consilio posito, rursus nobis persecutionem minabatur. Ceterum cum illum Deus inhibere, atque intumescentem sedare vellet, edidit rursus signum hoc in Daphne, igni in templum immisso. Hic verò ne sic quidem furore suo supersedit, quin potius summa depopulandi nostri cupiditate quum disrumperetur, ne ad id quidem tempus, quod minitatus fuerat, sibi temperauit: sed Euphratem trajecturus, militum suorum animos probabat, ac paucos quosdam adulatione quum corrupisset, quos suæ voluntati repugnantes inuenit, nequaquam exauthorauit, veritus si eos à reliquorum cœtu segregasset, nè copias suas contra Persas debiliores redderet.

Quis nobis h̄c quæ subsequuntur sunt enarrabit? quæ quidem ijs multò terribilia sunt, quæ tum in remo, tum in mari, tum in Aegypto acciderunt, quo tempore Pharaon ille sensu carens plecebat, & qui cum eo erant omnes submergebantur. Quemadmodum enim tum posteaquā Aegyptius ob nullum calamitatis genus concedere, ac melior fieri voluit, illum tandem Deus vñā cum suo exercitu perdidit: sic & nunc posteaquā ad omnia Dei miracula Imperator hic impudenter constiit, nihil fructus inde percipere volens, animumq; inemendatum ad omnia afferens, hunc ipsum Deus idem extremis malis inuoluit, vt quoniam aliorum calamitatibus edoctus ad frugem bonā redire non sustinuit, eius supplicijs meliores alij euaderent. Qui enim plures militum myriadas secum duxerat, quām villus vñquā ante ipsum Imperator, qui que Persidem omnem per incursionem, ac sine puluere, quod aiunt, capturum se sperauerat, huic sic infelicitate miserabiliter res successit, vt fœminarum potius, ac puerorum, quām viorum exercitum illum secum habuisse dicas. Primum enim imprudentia sua in tantam illos necessitatem adegit, vt equinis carnibus vescerentur, ac partim fame, partim sitiabsumpti perirent. Quasi enim in Persarum gratiam copias ageret, neque illos capere, quin potius suos illis prodere studeret, sic eos in locorum difficultates quosdam conclusit, ac tantum non vincitos hosti tradidit.

Enim uero calamitatum carum genus omne nullus possit, ne ex ijs quidem, qui illas viderent expertique sunt, recensere: ita omnem modum superarunt. Sed ut summatim dicamus, illo turpiter ac miserabiliter mortuo, (alij enim illum voluntaria quodam rerum indignitatem non ferente, percussum interisse: alij autem, ne vidisse quidem se, à quo interfectus sit, sed fuisse tantummodo percussum dicunt, rogâsseque ut in Ciliciam, inib⁹ sepieliendus, portaretur, vbi etiam nūc iacet) illo, inquam, tam turpiter mortuo, quum viderent milites in extremo se se vita periculo constitutos, cum hostibus pepigerunt: quibus cum iureiurando receperissent, abscessuros se à loco locorum omnium tutissimo, eodemque regionis nostræ tanquam muro quodam inexpugnabili, Barbaros humanos erga se natū, ita euaserunt, atque è multis pauci reuertierunt, & ipsi affectis admodum corporibus, erubescentes ob foedera cum hostibus pacta, coacti vero illis per iusturandum paternis bonis cedere. Hic videre erat spectaculum qualibet captiuitate miserabilius. Nam vrbis illius ciues, à quibus gratiam aliquam expectabant, quod suos omnes intus muri instar in portu collocarāt, pro omnibus semper ad omnia pericula obiecti, ab ijs hostilia omnia passi sunt, proprijs dominibus atq; agris relatis, solum vertere coacti, & à Maiorum suorum possessionibus auulsi. & quidem eam iniuriam à suis accepérunt: hunc nos frumentum ab egregiis istius Imperatoris operibus perceperimus.

Hec porrò temerè à nobis dicta non sunt, sed ut satisfactum ijs esset, qui quererent, cur non anteà Deus de Imperatore pœnas sumpsit. Illum enim rabie percitum saepè numerò reprimere voluit, nè impetu ulterius procederet, & alienorum malorum exemplo emendare: verū vbi restitit, extremis illum malis obiecit, iustum quidem peccatorum eius retributionem in magnum illum iudicij diem reiiciens, præsenti autem pœna superiores excitans & castigans. Talis est enim Dei lenitas, vt qui eadem non reuertuntur, eos grauiore pœna afficiat: quæ quemadmodum resipiscientibus utilis, ita & obstinatis ac peruicacibus maioris supplicij occasio esse solet.

Quod si dixeris, Quid? nonne prouiderat Deus fore, vt tyrannus hic nunquam emendaretur? huic ita respondemus: Prauiderat quidem, sed tamen ob id, quod malitiam nostram prospiciat, officium ille suum non intermittit: quin potius etiamsi cius non log. admit-

612 admittamus admonitionem, clementiam tamen in nos suam præstat: qui si postea in grauiora etiam nos peccata impingimus, id certe non iam eo authore euenit, qui non propter ea lenis longanimesq; est, vt pereamus, sed vt seruemur potius: verum nobis authoribus fit, qui in illius immensam tolerantiam iniurij sumus. Sic autem & infinitam suam in nos benignitatem ostendit, quoties enim recusamus ab eius prolixa lenitate adiunari, tum ille in aliorum usum eam vertit, nusquam non clementiam erga nos suam simul & prouidentiam soleritiamque prodens. Id quod tum præstitum est.

Et tyrannus quidem in hunc, quem dixi, modum eviuis decessit: Rabici autem eius, ac beati Babylæ virtutis argumenta extant, & templum & martyrij monumentum, illud desolatum, hoc candem, quam prius, efficaciam retinens. Cuius capsula non ultra refertur, Deo rem sic dispensante, quo posteris testatoria sint præclara Babylæ eiusdem facinora. Quisquis enim eadè aliundè accedit martyrem requirens, hunc ubi ab eo loco abesse videt, statim causam sciscitur, neque prius de loco decedit, quam omnem eam historiam perdoctus fuerit. Sic & dum ad Daphnes locum accedit, & rursus ab eodem dum decedit, fructum maximum percipit. Ea est martyrum virtus & viuentium & mortuorum, & ad loca illa vel illa adeuntium, & rursus ab eisdem aliò migrantium. Etenim ab initio ad finem usque Babylæ nostri præclara facinora continua quasi serie copulata fuere.

Rem, quæso, animo Iusta: Deileges ab iniuria vindicavit, pro occiso poenas sumpsit: qua ex re planum fecit, quanto inter se intervallo sacerdotium & regnum dissideant; maudi fastum omnem soluit, yitæ huius opinionem conculcauit: reges docuit, nihil ultra modum, ipsis à Deo datum, potestate promouere: sacerdotibus planum fecit, vt principatu huic præesse oporteat. Atque hæc quidem, & his item longè plura, etiamnù viuens præstitit. Vbi autem hinc emigravit, dæmonis robur encruauit, gentilium imposturam coarguit, vaticinij deliramenta dextexit, personâ eius contrivit, simulationem omnibus denudauit ac patefecit, cum qui in ea dominari videretur, obmutescere cogens, ac magna vehementia opprimens. Hodiè quoquè templi parietes recti stant, omnibus quasi prædicantes, quæ dæmonis impudentiam, risum, imbecillitatem: quæ martyris coronas, victoriam, virtutem. Ea sane est sanctorū fortitudo tam in expugnabilis & terrificis, tum regibus, tum dæmonibus, tum ipsi etiâ dæmonū principiis.

PASSIO SANCTORVM IVVENTINI ET MAXIMI MARTYRVM, A D. IOHANNE Chrysostomo conscripta.

Habetur
Tomo ter-
tio operum
eiusdem.

25. JANVAR.

Colere san-
tos alacri-
ter.

Iuliani apo-
stata dicit.



Eri beatus Babylas cum tribus pueris nos hic congregabat: hodiè vero par sanctorum militum, in acie exercitum Christi ostendit. Heri quadriga martyrum, hodiè biga se ostendit. Impar eorum est artas, sed par fides. Varia certamina, sed eadem fortitudo. Illi tempore superiores, isti recentiores. Et cùm tantus thesaurus sit Ecclesiæ, nouas & veteres habentis margaritas: sed vna omnium est gratia. Eorum flos neque languescit, neque defluit tempore. Nescit vetustatis rubiginem splendoris istius natura. Temporis accessione opes que ad corpora spectat, facile intrecent, vestimenta absuntur, domus destruntur, & aurum rubigine consumitur: & in summa, omnium sensibilium facultatum natura tempore tandem aboletur & intercedit. At non sic se res habet in spiritualibus thesauris, de martyribus, inquam, qui semper in eodem manent vigore, semper in eodem iuuentutis flore sunt, semper suę glorię fulgorem emitunt & radios. Quod scientes, non aliter priscos, aliter recentiores colitis sanctos, sed eadem alacritate omnes.

Non enim exploratis tempus, sed exquiritis animi fortitudinem, fidem, zelum ferendum, & eas virtutes, quas præse ferunt sancti, ob quorum honorem hodiè cōuenimus. Hi enim tanto amore Dei flagrabant, vt etiam extra persecutionis tempus, martyrij corona redimiti fuerint, absq; pugna triumphum retulerint, absque prælio victoria potiti sint, absque theatri certamine brauium rapuerint. Et quomodo hoc? Ego dicam: sed ferite me rem paulò altius enarrantem.

Erat rex quidem etiam nostro æuo, omnes, qui se præcesserunt, impietate vincens, de quo